


廣比表

事事異

同摘

纂錄錄








表 異 錄

王 志 堅 輯

編主五雲王

編初成集書叢

種二他其及錄異表

中華民國二十六年六月初版

發行人

王

上海河南路

雲

五

印刷所

商

上海河南路

務印書館

館

發行所

商

上海及各埠

務印書館

館

(本書校對者 章德宣 張嘯天)

大

雙

◆ E 九九一

本館據惜陰軒叢
書本排印初編各
叢書僅有此本

表異錄

表異錄序

河渚先生上下古今。纂述百氏。其所編輯原瀆諸編。與史商說刪等書。半已爲世傳誦。歿後八年。而其所集表異錄始出。蓋其披閱之間。或字或句。偶有深奧。輒筆錄之。一時寄興。非欲成書也。久積爲冊。遂傳家塾。近世傳錄一二本。友人遂爭購之。因授之梓。書成。予讀而歎曰。先生之學。豈在是乎。而世購之若此耶。先生學術。極有原本。其綜核史氏。貫通千載。如老吏折獄。又如心計之賈。數其困廩。籍其囊橐。稊米尺帛。罔有遺漏。故於古人詩文尺牘。輒能詳歲月之先後。徵地里之南北。讀者遂若置身當時。不止諷解文義。此豈循文逐句。漫事涉獵。而能然哉。嘗竊歎今之學者。務華而絕根。逐流而忘源。俯拾仰取。爲不終日之計。讀其文。燦然滿紙。弟其中藏。則枵如也。殆所謂文章日工。而道將散者乎。予於壬子癸丑之間。得唐類函。驚其華瞻。讀之頗酣。先生進而教之曰。此應敵簡閱之書。咿哦沈酣。豈應執此。因爲言六經指歸。及史漢。歐蘇。文章大槩。予謹識之。尙不能隅反。今墓木已拱。音徽如昨。反覆斯言。其安能再聞乎。是編徵奇集。異。燦然炫目。出之紙貴。祕之枕函。人有同好。然吾恐以是編求先生。先生隱矣。珠生於海。執一夜光而曰。海在是。及泛海而驚之。木生於山。執一枝而曰。山在是。及登山而詔之。夜光非不寶。一枝非不材。而詎若涉山海之全乎。故吾序是書。而因以明先生之學。令世之讀者。知所歸也。崇禎庚辰孟秋。弟志慶題於槐。

蔭堂。

表異錄序

序

表異錄二十卷。玉峯王先生淑士所輯。崇禎時。先生之弟志慶。敍而刻之。稱其徵奇集異。燦然炫目。錢虞山金陵雜題。有釧動花飛之句。蓋採集中語也。舊本卷帙零星。脫誤頗多。讐校數過。彙付劄氏。先生讀書嗜古。才名與李長蘅相伯仲。虞山曾贈句云。紅藥授書懷北郭。青燈讀易想南園。其傾倒至矣。所著又有史商說刪諸書。近漁洋山人居易錄載其史論數則。卓識允超千古。讀是編者。以是爲嘗鼎一臠可耳。康熙戊子冬。鹽官陳世修。

表異錄目錄

卷一

天文部

象緯類

歲時類

災祥類

祭禱類

卷二

地理部

邑里類

山川類

卷三

人物部

親戚類

帝王類

士庶類

卷四

宮室部

宮殿類

室堂類

卷五

器用部

總載

卷六

音樂部

總載

卷七

軍旅部

總載

卷八

植物部

蔬穀類

花果類

卷九

動物部

羽族類

毛蟲類

蟲魚類

卷十

人事部

賢愚類

寵辱類

言動類

身體類

凶喪類

衣服類

飲食類

卷十一

國制部

總載

卷十二

職官部

總載

卷十三

刑法部

總載

卷十四

錢幣部

總載

卷十五

藝文部

總載

卷十六

仙趣部

總載

卷十七

佛乘部

總載

卷十八

棲逸部

總載

卷十九

技術部

總載

卷二十

通用部

駢語類

虛字類

表異錄 目錄

表異錄卷一

天文部一象緯類

袁宏與范曾書。四海鼎沸。天轡將移。魏都賦曰。天宇駭。地廬驚。

潛夫論。世主欲無功之人而強富之。則是與天鬪也。況使無德之人。與皇天鬪而欲久立。自古以來。未之

嘗聞也。又曰。民安樂則天心總。天心總則陰陽和。天鬪。天總。語皆奇。嘗聞。一作嘗有。則天心總下。二有聚也兩字。

王彪天賦曰。溥爲地蓋。浩作星衢。晉書。帝呼天爲碧翁。天文錄曰。天如欵車蓋。南高北下。

抱朴子曰。宣夜說天了無質。仰而瞻之。高遠無極。蒼蒼然也。譬遠望黃山皆青。俯察千仞之谷而黝黑。

唐詩。殘霞蹙水魚鱗浪。薄日烘雲卵色天。東坡詩。笑把鷓夷一尊酒。相逢卵色五湖天。正用其語。

江賦曰。類胚渾之未凝。象太極之構天。

天形穹窿如笠。而冒地之表。浮元氣之上。譬覆匳以抑水。而不流者。氣充其中也。虞舜窮天論。

屏翳。雨也。豐隆。雷也。飛廉。風也。列缺。電也。

霜爲威屑。露爲教水。霧爲迷天步障。

明 珠塢山農王志堅輯

日有九芒。月有十芒。方諸巫有服日月芒法。

杜詩。日腳下平地。李賀詩。露腳斜飛濕寒兔。喻鳧詩。鴈天霞腳雨。東坡詩。月腳垂孤光。

淮南子。至於淵虞。是謂高春。頓於連石。是謂下春。梁元帝詩。暮春多淑氣。斜景落高春。唐薛能詩。隔溪遙見夕陽春。頓於連石。一作至於連石。注。連。讀腐爛之關。

淮南子。日至於鳥次。是謂小還。至於女紀。是謂大還。

莊子。日方中方睨。義云。日斜如人睨目。楊用修詩。渴虹下飲玉池水。睨日橫分蒼嶺霞。渴虹、睨日、皆奇。李長吉詩。羲和騁六轡。晝夜不曾閑。彈烏崦嵫竹。扶馬蟠桃鞭。

符瑞圖。日二黃人守者。外國人來降。宋景文詩。青帝回風還習習。黃人捧日故遲遲。

江淹詩。屬我嵒景半。賞爾若光初。嵒景、崦嵫之景。若光、苦木之光也。

陸機演連珠。利眼臨雲。不能垂照。朗璞蒙垢。不能吐輝。註。利眼、目也。天有日。猶人有眼目。故以日爲利眼。海賦。翔陽逸駭於扶桑之津。註。翔陽、日也。

廣雅云。日一名朱光。張孟陽詩。朱光馳北陸。

謝瞻詩。扶光迫西汜。歡餘宴有窮。謝朓詩。馳暉不可接。何況隔兩鄉。又詩。過客無留軫。馳暉有奔箭。

謝惠連詩。頽魄不再圓。傾羲無兩旦。

易傳曰：日者衆陽之精，內明玄黃，五色無主，以象人君。精精似青，翼翼似黑，玄玄似赤，縞縞似白，煌煌似黃，光照無主，不可以一色名也。

易乾鑿度曰：月三日成魄，八日成光，蟾蜍體就，穴鼻始明，穴鼻兔也。

淮南子云：月御曰望舒，亦曰織阿。

漢志：死霸朔也，生霸望也，霸音魄，月始生，霸霸然也。霸一作古魄字，非音魄。

謝莊月賦曰：若夫氣霽地表，雲斂天末，洞庭始波，木葉微脫，列宿掩緝，長河韜映，柔祇雪凝，圓靈水鏡，連觀霜縞，周除冰淨。歌曰：美人邁兮音塵闕，隔千里兮共明月。孝經內事曰：昆弟有親親之恩，則鈞鈴不離房。

淮南子：流星色赤，名曰地雁，其所墜者起兵。流星有光青赤，名曰天雁，軍甲之精華也。流星一作沆星，色赤，一作色青赤。○
軍甲一作軍中。

大象賦云：斂明光被，填逆水府，洪波滔天，功隆大禹，註昔堯遭大水，填星逆行入水府。

畢爲天網，主網羅無道之君，故武王伐紂，上祭於畢，求助天也。後漢蘇竟傳。

漢書曰：項羽救鉅鹿，枉矢西流，枉矢所觸，天下之所伐射，滅亡象也。觀象賦曰：恆不見以周衰，枉蛇行而秦滅。

廣雅云。熒惑謂之罰星。杜牧孫子註云。歲爲善星。不福無道。火爲罰星。不罰有德。天文錄曰。輔一星。附北斗杓第六星。大臣之象也。占欲其小而明。若大而明。則臣奪君政。若小而不明。則臣不任職。○又曰。杓三星。在箕南。主春杓之用。占若其縱則爲豐。若其橫則爲饑。又曰。五星反羽。其下之國不可久處。反羽者。光芒上天下小。狀如反羽也。

王勃益州夫子廟碑。高車南指。遁七曜於中階。華蓋西臨。藏五雲於太甲。張燕公讀之不解。訪之一行。言北斗建午。七曜在南方。有是之祥。無位聖人當出。華蓋以下。卒不可悉。高一本作帝。午一本作五。

能占算星辰。曰善爲星。出翟方進傳。

離瑜。星名。微則後宮儉。明則後宮奢。

六朝文。二咸防奢。七公理獄。二咸。七公。皆星名。

杜牧傳。疫病曰大陵之氣。大陵。星名。

天文志。辰星過太白閒。可械劍。械。音函。容也。其閒可容一劍。

格澤。星名。大人賦。建格澤之修竿。儲光義詩。格澤爲君駕。

易通卦驗曰。冬至初陽。雲出箕。如樹木之狀。立春青陽。雲出房。如積冰。春分正陽。雲出軫。如白鶴。穀雨太陽。雲出張。如車蓋。立夏初陰。雲出觜。如赤珠。夏至少陰。雲如水波。寒露正陰。雲如冠纓。霜降太陰。雲出上。

如羊。下如蟠石。易通卦驗曰：冬至初陽。雲出箕。如樹之狀。立春少陽。雲出房。如積水。春分正陽。雲出軫。如白赤如繪。夏至少陰。雲出參。如水波。寒露正陰。雲出井。如冠纒。霜降太陰。雲出鬼。上如羊。下如蟠石。

兵書曰：韓雲如布。趙雲如牛。楚雲如日。宋雲如車。魯雲如馬。衛雲如犬。周雲如輪。秦雲如行人。魏雲如鼠。

齊雲如絡。越雲如龍。蜀雲如困。秦雲如行人。一作佳人。又作美人。

荀子雲賦：託地而游宇。友風而子雨。

陸機雲賦曰：若秬鬯揚芒。嘉穀垂穎。

張野廬山記云：天將雨。有白雲亘中嶺。俗謂之山帶。春秋感精符云：冬至有雲迎送日者。來歲美。詩人冬

至用書雲事。蓋本此。一作天將雨。則有白雲。

曹子建有吹雲贊。言雲如吹綸絮也。有雕雲符瑞志。雕雲自成五色。儀鳳暗合八音。又云：雕雲素靈。發祥

漢氏有泄雲。蜀都賦：窮岫泄雲。日月恆翳。杜詩：泄雲行清曉。有蘭雲。南齊書：日於蘭雲中。簿半暈。有覆車

雲。京房易占云：黃雲如覆車。爲大豐。華嚴經有妬羅雲。謂雲如羅也。有樓閣雲。虞邵庵詩：手攬華鬢結。化

爲樓閣雲。五行志：有散鬢雲。如亂髮也。

管子：雲平而雨不甚。無委雲則暹已。

宋書符瑞志：榮露騰軒。蕭雲掩閣。緯書曰：榮光霧河。休氣四塞。天地訢合。乃降甘露。是謂榮露。尙書大傳。

蕭索輪困。是謂卿雲。溫子昇詩。桐華引仙露。槐彩麗卿煙。皆用此。

舟人占雲。若砲車起。則有暴風。張文潛詩。喜逢山色開眉黛。愁對江雲起砲車。

韓文。雲陰解駭。日光穿漏。袁翻思歸賦。駭霞兮絳雲。

清明雨爲潑火雨。立夏雨爲隔轍雨。見退齋雅開錄。

鶴雀羣繞旋飛。謂之鶴井。必有風雨。出酉陽雜俎。

蟻封戶。天將大雨。出易林。

瑣碎錄。閩俗。立冬後遇壬日。謂之入液。至小雪出液。得雨謂之液雨。百蟲飲此水而蟄。又謂之藥雨。林公

弁詩。液雨初生小院寒。

嶺南異物志云。蠻煙蜃雨。無別朝暮。朝暮一作晨暮。

田家以晝晴夜雨爲夜春。

漢書曰。董仲舒爲江都相。以春秋災異之變。推陰陽所以錯行。故求雨閉諸陽。縱諸陰。其止雨反是。法言曰。震風陵雨。然後知廈屋之爲岼嶮也。

木華海賦。崩雲屑雨。滋滋汨汨。

焦明至。爲雨備。水鳥也。東動聲儀。

許慎曰。黑蜮神虬。潛泉而居。將雨則躍。

淮南子曰。朱鼈浮於波上。必大雨。

段成式詩。不願石郎戴笠。難甘玉女披衣。顧野王輿地志曰。萍鄉西津有玉女岡。天將雨。石閒擁五色玄

雲。俗名玉女披衣。

披衣一作披蓋。

晉李暉詩。黷壽重雲蔭。砰稜震雷吒。吒字奇。

春雷初起。其音格格霹靂者。所謂雄雷。旱氣也。其鳴依依。音不大霹靂者。謂之雌雷。水氣也。占。

見師曠。

瑜次之山。有鳥名橐韋。服其毛羽。令人不畏雷。

大人賦。貫列缺之倒景。服虔曰。天閃也。

大荒之中。有山曰鞠陵。山有人。名曰折丹。處東極。以出入風。

兵書云。風從震來。名嬰兒風。管公明言樹上已有少女微風。其雨應至矣。

文心雕龍云。尚書大傳。有別風淮雨。卽烈風淫雨。

李賀詩。門前流水江陵道。鯉魚風起芙蓉老。九月風也。

昌黎詩。雪霜刻以慘。獰颯摺空衢。獰颯。惡風也。

周處風土記曰。五月風發。六月乃止。俗號黃雀風。時海魚變爲黃雀。因以名之。

仙人亦重雪。號爲天公玉戲。

雪詩。還如驅玉馬。暫似獵銀獐。

謝惠連雪賦曰。其爲狀也。散漫交錯。氛氳蕭索。藹藹浮浮。漉漉奕奕。聯翩飛灑。徘徊委積。始緣蔓而冒棟。終開簾而入隙。旣因方而爲珪。亦遇圓而成璧。眇隰則萬頃同縞。瞻山則千巖俱白。於是臺如重壁。遠似連璐。庭列瑤階。林挺瓊樹。皓鶴奪鮮。白鷗失素。

趙飛燕通鄰人羽林射鳥者。露立戶外。風雪大作。飛燕閉息。順氣體無軫粟。

常衮賀雪表云。重雲益固。應水澤腹堅之時。積潤潛通。迎土膏脈起之候。

先民有言。明出乎幽。著生乎微。故宋井之霜。以基昇正之寒。黃蘆之萌。以兆大中之暑。中論。

凝霜封樹。謂之木冰。亦名樹介。寧王憲有疾。見而歎曰。此俗所謂樹嫁者也。吾其死矣。諺曰。樹嫁達官怕。

出唐書。

詩人稱天河曰銀河。銀潢。銀漢。皆常語也。李賀曰。銀灣。江淹曰。繩河。緯書曰。王者有道。則河直如繩。謝朓詩。華漢滄虛。用詩雲。漢昭回之意。陸龜蒙云。繩河裏。扇月旁。

春秋緯云。武露布。文露沈。註曰。甘露降其國。布散者。人尙武。沈重者。人尙文。春秋緯云。一作春秋緯曰。

流甘委素。玉潤冰鮮。蜜房下結。珠琲上懸。邢子才甘露頌。

上玄乃顧神物薦委。飛甘灑潤。玉散珠連。昔魏明仙掌。竟無靈液。漢武金莖。空望雲表。豈若神漿可挹。流
味九戶之前。天酒自零。凝照三階之下。李德林甘露表。

虹曰天弓。亦曰帝弓。見白虎通。又名天忌。禮記曰。虹者。天地訢潰之氣也。又曰水樁。

爾雅。蜺爲挈貳。註。蜺。雌虹也。挈貳。其別名。

關中謂雹曰白雨。紹興中大雨雹。太學屋瓦皆碎。官申修補。不敢言雹。稱爲硬雨。

天文部二歲時類

莫莢。一名歷莢。亦名仙茅。

爾雅。夏爲朱明。亦曰長贏。楚辭。收恢台之盛夏。太玄經註。萬物豐於纁夏。耗於玄冬。一作收恢台之孟夏。注夏以長物。恢台。長

養也。

煦嫗乎春。曦彤乎夏。

古者諸侯迎春於東郊。齊曰放春。見管子。楚曰發春。見楚辭。漢書。太守有行春班春之文。

魏董遇。字季真。從學者苦渴日。遇言當以三餘。夜者日之餘。冬者歲之餘。風雨者時之餘。渴日可對競辰。

每月五日。皆可稱端五。見容齋隨筆。冬至前一日。亦可稱除夕。見陸務觀筆記。三月三日。可稱重三。見野

客叢書。

范子計然曰。日者。寸也。紀刻而成晷也。月者。尺也。紀度而成數也。

淮南子名曰圭爲影柱。廣雅云。晷柱掛影。陸龜蒙冬日詩。日光走冷圭。

日未俄。言日未昃也。俄。晷猶言寸陰也。天官書。熟五斗米頃。李商隱李賀小傳。如炊五斗黍許時。戰國策。堯見舜於草茅之中。桑蔭不移。而授天下。又列子曰。堯之知舜。不違桑蔭。長楊賦。日未靡旃。王莽傳。轉漏之間。

谷永傳。當陽數之標季。註。九之末季也。

楊震傳。車駕行還。便時太學。註。於太學待吉時而後入也。

夏小正語有新異者。如農緯厥耒。耒。束也。立春先時命農。大夫咸勸農用也。囿有見韭。見露也。農及雪澤。及。言汲汲也。漢案戶。漢。天河案戶。直戶也。古者戶皆南向。是時初昏。天漢直南也。烏浴浴者。飛乍高乍下也。玄駒賁。玄駒。蟻也。賁。走於地中也。

唐六典。春升寅階。夏升亥階。

漢詔曰。方春生養。萬物孳甲。

淮南子。二月之夕。女夷鼓歌。以司天和。註云。女夷。春夏長養之神也。

除日進讎。內二人名讎。公讎母。漢書。減逐疫。侷子之半。一作歲除日進讎。內二老人爲讎翁讎母。

世謂正月三日爲田本命。浙西人謂之夏正三。言夏正之三日。俗以是日稱水。以重爲上有年。四月爲麥秋。見蔡邕月令章句。

五月五日爲地臘。出道書。

宋人賀正旦啓云。瑞鬢餞臘。粉荔迎年。洛陽人以正旦造粉荔枝。

左傳曰。浹辰之閒。楚克其三都。辰指十二辰。自子至亥也。周禮天官曰。挾日而斂之。以甲至甲爲挾日。凡十一日也。揚雄疏。近不過旬月之役。遠不過二時之勞。翟方進爲丞相。司直旬歲閒免兩司隸。謂滿月滿歲也。車千秋旬月取宰相。則又謂十閱月也。

四民月令。四月是謂乏月。冷穀旣盡。宿麥未登。

開元高太素隱商山。起六道遙館。各製一銘。冬日初出銘曰。折膠墮指。夢想負背。金鑰騰空。映檐白醉。樓攻媿嘗取白醉名關。

阮籍詩。陽和微弱陰氣竭。海凍不流。絳絮折。庾肩吾詩。勁氣方凝海。清威正折絳。張說詩。塞上絳應折。江南草可結。山谷詩。霜威能折絳。風力欲冰酒。蕭辰。秋日也。出選詩。

唐書。武后道暑三陽宮。道卽避也。二字新。

續錦帶集紅鏡開炎耀暑方畏宋人秋日書啓金黼秩序玉宇剪涼黼與擊同

王晏詩槐序候方調指夏日也

何遜詩麥氣始清和謝朓詩麥候始清和王介甫用之曰晴日暖風生麥氣

謝靈運詩秋岸澄夕陰火旻團朝露又云述職期闌暑理棹變金素盧植詩祝融解炎鬱蓐收起涼駕范

絳詩戊日辭巢燕商天向浦鴻

東京賦日月會於龍虬恤民事之勞疚虬音鬪龍尾星也日月會於尾十月時也民勞於歲事故天子當

於此時愍恤勞來之

唐詩春寒側側掩重門王介甫側側輕寒翦翦風許奕小辭玉樓十二春寒側呂聖求詞側寒斜雨

閏月爲叢殘之數出穀梁傳註

公羊傳提月六鷁退飛過宋都提月者何僅逮是月晦日也

聖人觀四時之變刻玉紀其盈虛察五行之聲鑄金均其清濁所以遂八風而宣九德和大樂而成政道

晉律志

淳古葦籥創觀人籟之源女媧笙簧仍昭鳳律之首伶倫含少乃擅比竹之工虞舜昭華方傳刻玉之美

隋律志○舜時西王母獻昭華之瑤以玉爲之

劉歆鍾律書云。春宮秋律。百卉必彫。秋宮春律。萬物必榮。夏宮冬律。雨雹必降。冬宮夏律。雷必發聲。隋牛

弘傳

隋劉炫上太子啓曰。自木鐸寢聲。緒言成燼。羣生蕩析。諸夏沸騰。曲技雲浮。疇官雨絕。大象元年。太史上士馬顯等上景寅元歷奏曰。臣案九章五絕之旨。三統四分之說。咸以節宣發斂。考詳晷緯。布政授時。以爲皇極者也。而乾維難測。斗憲易差。盈縮之期。致舛咎徵之道。斯應寧止。蛇或乘龍。水能沴火。因亦玉羊掩曜。金雞喪精。王化關以盛衰。有國由其隆替。歷之時義。於斯爲重。自炎漢已還。迄於有魏。運經四代。事涉千年。日御天官。不乏於世。命元班朔。互有沿改。驗近則疊璧應辰。經遠則連珠失次。義難循舊。其在茲乎。臣等監考疏密。共定今術。開元發統。肇自景寅。至於兩曜虧食。五星伏見。參校積時。最爲精密。庶鐵炭輕重。無失寒燠之宜。灰箭飛浮。不爽陰陽之度。隋歷志

究天道之精微。開日官之軌憲。容成再出。不能添累黍之功。壽王重生。無以議分毫之失。豈比夫時乖兩

閏。始載鄒人之語。亥有二首。方聞絳老之年。李嶠神龍歷序

陸機刻漏賦。伏陰蟲以承波。吞緼流其如挹。孫綽銘靈蚪吐注。陰蟲承瀉。註蝦蟆也。

天文部三災祥類

梁簡文啓。將恐督郵不除。失在汝南之守。曝背未收。無傷河南之尹。

盛弘之荊州記云。狼山縣有山獨立。有二大石。其門相去丈許。俗名其一爲陽石。一爲陰石。水旱爲災。鞭

陽石則雨。鞭陰石則晴。

古者穀不登，虧膳。災屢至，損服。凶年，不墜塗。泥屋也。

甘泉賦：卹瘠錫羨。註：錫，與也。羨，饒也。言神明饒與福祥也。河東賦：發祥隕祉。註：隕，降也。

陳忠疏曰：今天心未得，隔并屢臻。註：并，必姓翻。隔并，謂水旱不節也。

涌趨邪陰，湛溺太陽。李諱語。

谷永傳曰：未殺災異，滿調誣天，滿調欺罔也。

公羊傳：大災者何？大瘡也。註：民病也。

穀梁傳：一穀不升謂之饑，三穀不升謂之饑，四穀不升謂之獻。

天文部四祭禱類

爾雅：祭山曰廋縣，祭川曰浮沈，祭星曰布，祭風曰磔。是禱是禡，師祭也。既伯旣禱，馬祭也。

管子：秋至而禾熟，天子祀於太歲。歲與歲蕤字義音同。草木歲垂也。秋至百穀成而草木垂，故祀之。

郊祀志：上宿郊見通權火。註：權，舉也。凡祭祀通舉火者，或以天子不親至祠所而望拜，或以衆祠各處，欲

其一時薦饗，故以火爲之節度也。

凡祭灌鬯求諸陰，蕭蕭求諸陽，燔而悅切，與燕同。

祭宗廟物曰縮鬯蕭艾。

出潘岳。

温祭物曰鞶俎。

出儀禮音尋鞶。

漢文帝作顧成廟。言制度卑狹。若顧望而成也。漢諸帝皆有廟。景帝號德陽。武帝號龍淵。昭帝號徘徊。宣帝號樂遊。元帝號長壽。成帝號陽池。

班固傳。啓恭館之金滕。註。恭肅之館。謂廟中也。金滕。以金緘。置藏符瑞之書於其中也。三禮義宗云。雩。祈雨之祭。禳。止雨之祭。



表異錄卷二

地理部一邑里類

杜篤諭都賦。雍州本帝王所以育業。霸王所以衍功。戰士角難之場也。關梁之險。多所衿帶。一卒舉礪。千夫沈滯。肇十有二。是爲贍腴。

西都賦曰。華實之毛。則九州之上腴焉。防禦之阻。則天地之隩區焉。

周公將致政。南繫於洛水。北因乎邠山。以爲天下之大漚。周書作維解

薛宣傳。谷永疏。薛宣爲御史中丞。執憲轂下。任昉竟陵王傳。神臯載穆。轂下以清。轂下猶輦下也。

城上垣謂之睥睨。言於孔中。睥睨非常也。亦曰睥。言裨助城之高也。亦曰女牆。言其卑小。比之於城。若女子於丈夫也。

呂溫受降城銘云。俯視陰山。仰看昭回。一夫登陴。萬里洞開。封張仁愿制云。橫卻月於天街。劃長雲於地脈。

周禮形方氏。掌邦國之地域。而正其封疆。無有華離之地。註。析而不絕爲華。絕而不續爲離。華音夸。周禮士訓。掌道地隱。以辨地物。誦訓。掌道方隱。以詔避忌。地隱如礪确之地。不宜稼穡。斥鹵之地。不宜果

蘇是也。方慝。一方之瘴煙厲氣。

後梁爲北魏影國。猶云附庸。

衢國言衝要也。

荆公詩。臥占寬閒五百弓。又詩曰。白下亭東鳴一牛。又潮溝直下兩牛鳴。蓋佛家以四肘爲弓。肘一尺八寸。四肘蓋七尺二寸。又拘盧舍者。謂大牛鳴聲所極聞。

杜詩。葭萌氏種迥。左擔犬羊屯。李充蜀記云。蜀山道徑險窄。擔負者不容易肩。謂之左擔道。趙州石橋。望之如初月出雲。長虹飲澗。

宋書。西陽王子尚言。湖山之禁云。爐山封水。保爲家利。爐。燎除旁草也。

交鄉鴛佃。如今之遠莊寄業。出王伯淮奏議。

周禮疏。有陰臯陽臯。以淺深向背言也。

燒田而種曰嚠。故野燒曰嚠火。

田塍曰水埒。

唐書南詔傳。官給田四十雙。蓋二百畝也。五畝爲雙。陶南村謂一雙爲四畝。

古歌。高田種小麥。穰稔不成穗。男兒在他鄉。安得不憔悴。

三都賦。林藪石留而蕪穢。石留。言土地多石。如人之有留結也。戰國策。成臯石留之地。無所用之。賦本此。五姓祕要。相山之法。欲如生蛇之渡水。又欲如啄木之飛翔。生蛇渡水。取其詰屈。啄木飛翔。取其一高一下。

昭明太子葬母。有道士云。此地不利長子。若厭之。或可申延。厭。厭勝也。

胡建傳。時監軍御史爲姦。穿北軍壘垣。以爲賈區。建斬之。以奏。註。坐賈曰賈。爲賣物之區也。何進馳從。僂道歸營。僂。任鑒反。疾也。

目語額瞬。言市人精黠也。出成伯陽。

去中土之肥饒。寄不毛之荒極。楊終語。

烏孫。康居。奄蔡。大月氏。皆行國。隨畜牧。

主父偃傳。匈奴獸聚而鳥散。從之。如搏景。

晉書。慕容氏。邑於紫濛之野。故宋人送使契丹詩。多用此二字。

韓安國言。匈奴自古不屬爲人。言不內屬於漢爲人也。

譯語人曰象背。又曰舌人。蠻夷贖罪貨曰賸。土貢曰飛苞。驛篋。

西南夷蠻。名渠帥曰精夫。相呼爲媿徒。

羌胡敵腸狗態。臣不能禁止。董卓語。

武帝征伐匈奴二十餘年。匈奴馬畜孕重墮殯。罷極苦之。註。孕重。懷妊者也。墮。落也。殯。敗也。

魏主遺宋文帝書。我今北伐。先除有足之寇。註。柔然多馬。故言其有足。臧質與魏主書亦云。爾自恃四足。

元魏都洛。諸夷侍子。春去秋來。謂之雁臣。

桓譚新語。荊州有鼻飲之蠻。南城有飛頭之夷。

文選。夷狄以蒸報爲仁義。註。上淫曰蒸。下淫曰報。

唐書。裴行儉討遮旬春。築碎葉城。面三門。紆環多趣。以詭出入。西域胡縱觀。莫測其方略。

東夷傳。馬韓人大率皆魁頭露紒。註。魁頭。猶科頭也。謂以髮縈繞成科結也。紒。音計。

匈奴盛時。役屬西域。置僮僕都尉。以領西域。蓋以僮僕視西域也。

董庭。虜庭也。出南史。亦云毳帳。

鹽鐵論。匈奴利則虎曳。病則鳥析。

匈奴傳。匈奴有斗入漢地。直張掖郡。

地理部 二山川類

鞏氏耳目志云。海山微茫而隱見。江山嚴厲而峭卓。溪山窈窕而幽深。塞山童頽而堆阜。

梁宣帝七山寺賦。神囂崑崙而獨立。仙的皎皎以孤臨。壑之凸凹者曰囂。峯之尖射者曰的。

南州異物志云。合浦之人習水善游。上視層潭如猿仰株。入如沈鼈。出如輕鳧。蹲泥剖蚌。潛竊明珠。游音於

正月解凍水。二月白蘋水。三月桃花水。四月瓜蔓水。五月麥黃水。六月山礬水。七月豆花水。八月荻苗水。

九月霜降水。十月復槽水。十一月走凌水。十二月蹙凌水。

楊誠齋擬大招懷東坡辭。歷九州而猶礙兮。誕置之祝融之汪。謂南海也。左傳。雍氏之汪。服虔註。停水曰汪。

晉戴洋謂庾亮曰。武昌山作八字。數不及九。昔吳用壬寅來上。己酉下還秣陵。陶公亦涉八年。盛衰有數。不可移也。潘邠老江口詩曰。八字山頭雁。武昌江上魚。

陸魯望云。金華山枝峯蔓壑。秀氣旁魄。不啻神仙登臨。灞山三峯鼎峙。拒雲槩日。

桂林之山。玉笋瑤簫。森列無際。

王涯仙掌辯云。銳而出者爲虎牙。尖而背者爲熊耳。角而巘者爲牛首。冠而峭者爲雞頭。

慎子曰。治水者。茨防決塞。雖在夷狄。相似如一。學之於水。不學之於禹也。茨防。卽今黃河之埽也。

三秦記。龍門之險。懸船而行。

元微之送客游嶺南詩。波心擁樓閣。規外布星辰。自註。交廣閒南極漸高。北極凌低。規度外星辰至衆。如

五曜者皆不在星經。

君山一名媧宮。武當山一名纂嶺。普陀山一名梅岑。青城山一名天谷。大復山一名胎簪。衡山一名芝岡。武夷山一名幔亭。

盛弘之荊州記。記沮水幽勝云。稠木旁生。凌空交合。危巖傾岳。恆有落勢。風泉傳響於青林之下。巖猿流聲於白雲之上。游者常苦目不周翫。情不給賞。作樓。或

李益詩。胡風凍合鷓鴣泉。牧馬千羣逐暖川。暖川可對熱海。皆胡地之水。冬日少不凍。非真暖熱也。

韓退之詩。懸瀑垂天紳。孟郊詩。檐溜擲天紳。東坡詩。餘波猶足掛天紳。子由詩。蒼壁立積鐵。懸泉瀉天紳。謂瀑布爲天紳。甚奇。

稚水蒙流。水經註。

軟灘嫩堰。出宋河渠志。

大戴禮。以丘陵爲牡。谿谷爲牝。古詩云。哀壑叩虛牝。韓退之詩。可憐無補費精神。有似黃金擲虛牝。

江賦。隨風猗萎。與波潭沲。註。潭沲。隨波之貌。沲。徒我切。梁簡文詩。潭沲青帷閉。玲瓏朱扇開。富嘉謨詩。陽

青二月朝始暎。春光潭沲度千門。

惠州佛疏院。東則熱泉。湯如也。西則冷泉。雪如也。又地理志。論水性之別。如庭州灑水。金鐵皆漏。郵延之

川。石脂流煙。弱水溺毛。黑溪玄髓。悉唐制角。畔怯腐手。其不同有如此。真誥云。金陵者。洞虛之膏腴。句曲之地肺。註云。水至則浮。故曰地肺。

大懷山爲地喉。可對天目。又岐山爲地乳。

雲溪友議。山中有玉者。木旁枝下。謂之寶苗。

東京賦。鳴女牀之鸞鳥。舞丹穴之鳳凰。註。女牀。山名。

焦氏易林。江河淮海。天之奧府。又易林占變。江河淮海。天之都市。

漢文帝臨廁。韋昭所謂夾二水而臨其岸也。慎夫人如廁。與武帝據廁。見衛青。溷廁之廁也。

謝靈運羅浮山賦。朱明之陽宮。耀真之陰室。洞穴之寶衢。海靈之雲術。

拾遺記。方丈之山。一名巒雉。

泰山一名天孫。言爲天帝孫也。博物志

湘水出自陽朔。至清。深五六丈。下見底。了了然。石子若擣菹。白沙如霜雪。赤岸若朝霞。羅含湘川記

山峯之上。立石數百丈。亭亭桀豎。競勢爭高。遠望巒巒。若攢圖之託霄上。其下層巖峭舉。壁岸無階。縣巖

之中。多石室焉。若有積卷矣。而世士罕有津逮者。因謂之積書巖。水經註

孟門。卽龍門之上口也。實謂黃河之巨阨。兼孟津之名矣。此石經始禹鑿。河中湫廣。夾岸崇深。傾崖返捍。

巨石臨危。若墜復倚。古之人有言。水非石鑿。而能入石。信哉。其中水流交衝。素氣雲浮。往來遙觀者。常若霧露沾人。窺深悸魂。其水尙崩浪萬尋。縣流千丈。渾洪最慾。鼓若山騰。濬波頽疊。迄於下口。方知慎子下龍門。流浮竹。非駟馬之追也。

入南山一里。至天井。井裁容人。穴空迂迴。傾曲而上。可高六丈餘。山上又有微涓細水。流入井中。亦不甚沾人。上者皆所由涉。更無別路。欲出井。望空視明。如在室窺窗也。出井東南行二里。峻坂斗上。斗下。

孟門東南有平山。水出於其上。潛於其下。又是王屋之次。疑卽平山也。其水南流。歷鼓鐘上峽。懸洪五丈。飛流注壑。夾岸深高。壁立直上。經崖秀舉。百有餘丈。峯次青松。巖懸賴石。於中歷落。有翠柏生焉。丹青綺分。望若圖繡矣。

其山石岸。絕嶮壁立。天固崖半。有一石室。去地可五十餘丈。爰有層松飾巖。列柏綺望。唯西側一處。得歷級升陟。

南峯北嶺。多結禪棲之士。東巖西谷。又是利靈之圖。竹柏之懷。與神心妙遠。仁智之性。共山水効深。又逕七賢祠東。左右筠篁列植。冬夏不變貞萋。

丹水又東南。歷西巖下。巖下有泉涌發。洪源巨輪。淵深不測。蘋藻冬片。竟川含綠。雖巖辰肅月。燕麥暄萋。

廣昌縣東南郎山東北燕王仙臺東臺有三峯甚爲崇峻騰雲冠峯高霞翼嶺岫壑沖深合煙罩霧蒼舊言燕昭王求仙處。

秀郭分霄層崖刺天。

山岑競舉若豎鳥翅立石嶄巖亦如劍杪。

池在高原之上世謂之天池方里餘其水澄渟鏡淨而不流若安定朝邦之湫淵也清水流潭皎焉沖照。

池中嘗無斥草及其風澤有淪輒有小鳥翠色投淵銜出若會稽之私鳥也。

私鳥當作私鳥。

自西域涉黃金峭寒泉嶺陽都坂峻嶮百重絕日萬尋既造其峯謂已踰崧岱復瞻前嶺又倍過之言陟

羊腸超煙雲之際顧看向塗杳然有不測之嶮。

其下十餘里有大巫山非唯三峽所無乃當抗峯岷峨借嶺衡疑其翼附羣山並槩青雲更就霄漢辨其

優劣耳。

自三峽七百里中兩岸連山略無闕處重巖疊嶂隱天蔽日自非停午夜分不見曦月至於夏水襄陵沿泝阻絕王命急宣有時朝發白帝暮到江陵其間千二百里雖乘奔御風不以疾也春冬之時則素湍潏潏迴清倒影絕巘多生檉柏懸泉瀑布飛漱其間清榮峻茂良多趣味每至晴初霜旦林寒澗肅常有高猿長嘯屢引淒異空谷傳響哀轉久絕故漁者歌曰巴東三峽巫峽長猿鳴三聲淚沾裳。

下有灘。名曰黃牛灘。南岸重嶺疊起。最外高崖閒有色。如人負刀牽牛。人黑牛黃。成就分明。既人跡所絕。莫得究焉。此巖既高。如江湍紆迴。雖途逕信宿。猶望見此物。故行者謠曰。朝發黃牛。暮宿黃牛。言水路行深。迴望如一矣。

宜都記曰。自黃牛灘東入西陵界。至峽口。一百許里。山水紆曲。而兩岸高山重障。非日中夜半。不見日月。絕壁或千許丈。其石彩色。形容多所象類。林木高茂。略盡冬春。猿鳴至清。山谷傳響。泠泠不絕。所謂三峽。此其一也。崧言常聞峽中水疾。書記及口傳。悉以臨懼相戒。曾無稱有山水之美也。及余來踐躋。此意既至。欣然始信之耳。聞不如親見矣。其疊嶂秀峯。奇構異形。固難以辭敘。林木蕭森。離離蔚蔚。乃在霞氣之表。仰矚俯眺。彌習彌彌。孫云。疑脫佳字。流連信宿。不覺忘返。目所履歷。未嘗有也。既自欣得此奇觀。山水有靈。亦當驚知已於千古矣。

榛棘蒲薄。騰林拂雲。幽煙冥緬。非生人所安。


咸驩已南。麀鹿滿岡。鳴咆命疇。警嘯聒野。孔雀飛翔。蔽日籠山。

林棘荒蔓。榛梗冥鬱。藤盤筍秀。參錯際天。

其小水崖窳。常吐飛溜。或雪霏沙漲。清寒無底。分溪別壑。津濟相通。

澧水又東。茹水注之。水出龍茹山。水色清澈。漏石分沙。莊辛說楚襄王。所謂飲茹溪之流者也。

山中有三精舍。高薨凌虛。垂檐帶空。俯眺平林。煙杳在下。水陸寧晏。足爲避地之鄉矣。
江閱漁商。川交樵隱。故桂棹蘭楫。望景爭途。
石鼓山有石鼓。於星爲河鼓。星動則石鼓鳴。石鼓鳴則秦土有殃。鳴淺。殃萬物。鳴深。則殃君王矣。



表異錄卷三

人物部一親戚類

宋莒公以宋元憲爲宗衰。本謝朓以謝安爲宗衰。謝詩曰：「陸危賴宗衰。」微管寄明牧。武后樞翦宗支。

高祖微時過其丘嫂食。嫂厭之。陽爲羹盡。轅釜註丘大也。轅音勞。轅也。兩壻相謂爲亞。江東人呼爲僚壻。嚴助爲友壻。所辱註同門之壻也。

宋世以駙馬爲粉侯。文及甫抵書邢恕謂駙馬韓嘉彥兄忠彥爲粉昆。孿子雙生子也。

楊修答臨淄侯云：「君侯忘聖賢之顯迹。述鄙宗之過言。」王荊公答劉原文書稱鄙宗夷甫。文選謝惠連詩：「聊用布親串。」註串習也。

汜毓字稚春。濟北廬人。敦睦九族。時號其家兒無常父。衣無常主。晉書

開元中崔隱甫奏青州北海人呂元膺。四代同居。至所畜牛馬羊狗皆異母同乳。請加旌表。制許之。宋太原太守顧訓之五代同居。家有百口。時人重之名其所居橋曰百口橋。

鄭、盧、李、崔皆爲甲族。太原王亦四姓之匹。而呼爲銀鏤王家。喻銀質而金飾。

公西華之養親也。若與朋友處。曾參之養親也。若事嚴主烈君子。

淮南子

宋王裕之未嘗教子孫學問。或問之。答曰。丹朱不應乏教。寧越不聞被捶。

南史

孝文臨軒。令諸州中正各舉所知。陽尼與房千秋各舉其子。帝曰。昔有一祈名垂往史。今有二奚當聞來。

牒。北史

陳留太守太山吳文章少孤。與兄伯武相失別二十年。後會下伍市。爭計共鬪。伯武毆之。文章欲報。心中惻愴。手不能舉。大自怪也。因投杖於地。還相尋問。乃親兄也。

世祖贈到溉。到洽兄弟詩曰。魏世重雙丁。晉朝稱二陸。何如今兩到。復似陵寒竹。

梁書

前漢志云。見神於先後宛若。其註云。兄弟妻。關中呼爲先後。退之南山詩。或齊若朋友。或差若先後。宋景濂樓母墓版文。處先後惟以柔勝。皆用此。

雖察父愆。兄覆育子弟。誠無以加也。

慈智

對父之舅氏稱彌甥。

出左傳

女曰息女。

出漢書

五行志。處妾遇之而孕。註。處妾。宮中之處女。

郊祀志孟康曰兄弟之妻呼爲先後古謂之娣姒今關中俗呼爲先後吳楚俗呼爲妯娒

劉向傳臣幸得託肺附註爲如肝肺相附著

鄒陽傳壤子王梁代註梁益之間所愛謂其肥盛曰壤

武五子傳曰趙氏無炊火焉註言絕祀也

自稱子曰糞土息出說苑呼人弟曰淑弟出魏文詠

兄弟和曰季有兄心

小姑曰女娒又曰女叔禮冠儀

女壻曰倩出漢書妹壻曰娟出公羊傳

生子曰襁乳余朱榮欲入朝視皇后襁乳婦人曾產曰嘗字谷永曰無避嘗字

多妾曰後房多曠積之女任昉覓常婢市寒賤可制指者杜牧

不再娶曰不開媵路公羊

賈敦頤敦實兄弟皆有美跡立碑號常棣碑

沈淡弟深冲皆爲御史中丞名譽有優劣人號爲腰鼓兄弟

盧綸作王駙馬花燭詩有人主人臣是親家今人呼親家親作去聲蓋本此

袁聿修爲姨丈人崔休所知賞。蓋今之姨夫也。

服虔曰：民母，嫡母也。衛青少時，民母之子，皆奴畜之。

漢王莽二年，有男子遮立國將軍車曰：漢氏劉子興，成帝下妻子也。下妻二字奇。又元后傳多取傍妻。

劉瑜三世同居，外無異門，內無異煙。

京房易傳子孫爲寶爻。

鄭敬曰：今幸得全軀樹類，還奉墳墓。註樹類，謂有胤嗣。

沈休文詩曰：還家問鄉里，詎堪持作夫。鄉里，謂妻也。南史張彪云：我不忍令鄉里落他處。

婢妾年久而衰退者，謂之房長。亦曰房老。婢之婢曰重臺。羊欣書似婢作夫人。米芾學欣書。高宗謂米字

爲重臺。

傅婢。註傅曰：附，謂幸也。見王吉傳。

唐潞州節度使薛嵩青衣紅線，號曰內記室。

家語云：柳下惠嫗不逮門之女。國人不稱其亂。荀子：柳下惠與後門者同衣，而不見疑。非一日之聞也。惠

夜宿於郭門外，有女子來，天寒，乃坐女子於懷，以衣覆之。二語皆用此。不逮門與後門字，皆僻。荀子舊註

非也。

董仲舒曰。天地之氣。不致盛滿。不交陰陽。是以君子甚愛氣。而謹游於房。疏春而曠夏。涸秋而揆冬。揆字當作

荀子。冰泮逆女。霜降殺內。殺音隆。殺之殺。蓋發生之際。合婚姻閉藏之時。禁嗜欲也。吳季札聘於鄭。見子產。如舊相識。貽之縞帶。子產獻紵衣焉。胡叟謂高允曰。吳鄭之交。以紵縞爲美談。吾之於子。以韋弦爲幽贊。

公沙穆遊太學。資乏。變服爲傭。賃舂於吳祐家。祐與語。大驚。遂定交於杵臼之間。

人物部二帝王類

王融疏曰。天移雲動。勒封岱宗。咸五登三。追蹤七十。集三燭於蘭席。聆萬歲之禎聲。豈不躋哉。要略曰。禹之治水。身執畚插。以爲民先。當此之時。燒不暇攢。濡不給挖。

尙書帝命。驗期曰。桀失玉鏡。用其噬虎。註。玉鏡。謂清明之道。虎。謂其暴虐。孝經。援神契云。后偷任威。折其玉斗。失其金椎。註。玉斗。渾儀。金椎。言國之寶。

法言曰。始皇方虎捫而梟磔。噬士猶臘肉也。

史通曰。姬宗之在水滸也。鸞鸞鳴於岐山。劉姓之在中陽也。蛟龍降於豐澤。

彤雲晝聚。素靈夜哭。漢高帝。

王莽傳論紫色揮聲。餘分閏位。註紫閒色。揮淫聲也。

琅邪王道子亂政。陸納望宮闕歎曰。好家居。織兒欲撞壞之耶。

後漢宦者論云。魏武因之。遂遷龜鼎。

朱氏代唐。四方幅裂。朱邪入汴。比之窮新。謂有窮新莽也。

司馬懿奏曹爽曰。天下洶洶。人懷危懼。陛下但爲寄坐。隋元諧欲反。使弟滂望氣。滂曰。瞻雲如蹲狗走鹿。

不如我輩有福德雲。

儒林傳。桓靈之間。君道秕僻。黨錮傳序。叔未澆訛。王道陵缺。

唐詩。欲知皇劫遠。初拂六銖衣。皇劫卽帝年也。

史記世家。謂孔子稱文王眼如望羊。又漢書註。鄭玄謂羊畜之遠視者也。

荀子。國安於盤石。壽於箕翼。註。箕翼主壽考。

朱勃訟馬援書曰。夫明主醜於用賞。約於用刑。

唐文皇虬髯壯冠。人號毘聖。

杜良作唐太宗畫像贊云。仁爐義轡。道薪德火。

真冷遺命也。莊子山木篇。桑擘曰。舜之將死。真冷禹曰。汝戒之哉。形莫若緣。情莫若率。註冷曉也。謂以真。

道曉語禹也。

崔駟西巡頌表曰。唐虞之世。樵夫牧豎。擊轅中詔。感於和也。班固集。擊轅相杵。亦足樂也。曹子建書。擊轅之歌。有應風雅。柳子厚云。擊軒拊缶。宋景文云。壤翁轅童。

唐時宮中呼天子爲宅家。通鑑。韓建發兵圍十六宅。諸王呼曰。宅家救兒。劉季述等至思政殿。皇后趨至。拜曰。軍客勿驚宅家。唐子西詩。宅家喜得調元手。

初爲天子。後爲人螭。崔琦外戚箴語。註。螭。山神獸形。以此比紂之惡也。

靈政穆宣。房樂韶理。坤則順成。星軒潤飾。顏延年宋文后哀册。

晉書曰。作配皇極。齊體紫宸。象玉牀之連後星。喻金波之合羲璧。又曰。龍縈結疊。宗周鞠爲黍苗。燕尾涎。災。隆漢墜其粉社。

漢后紀。恩隆好合。遂忘濇蠹。註。濇。穢也。

後周皇后服制。受繭則服鸞衣。聽女教則服鶉衣。歸寧則服翎衣。鶉。音罩。翎。音秩。許敬宗知武后錯戾能固主。以久己權。

唐武后贊。斂斂神器。注。盜也。

鳴牝構孽。紛虹肆災。女主之禍。

唐人目武后時爲牝朝。

春秋感精符曰。妻黨翔。則有黃雲入國。國祲。春秋運斗樞曰。九女並訛。則九虹並見。

后親蠶。所駕馬曰駟馬。后妃親桑。處曰桑壇。后飼蠶。禮曰三澆。

魏明帝詔錄士女已嫁爲吏民妻者。還以配士。簡其有姿首者。納之掖庭。註。首。謂鬢髮者。

漢後宮位號。有名無涓者。註。涓。潔也。言無所不涓潔也。二字奇。

張茂疏曰。況復有掖庭非員無錄之女。椒房母后之家。賞賜橫與。其費半軍。註。非員。謂出於員數之外者。

無錄。謂宮中錄籍無名者。

董賢傳。召賢女弟爲昭儀。位次皇后。更名其舍爲椒風。以配椒房。

齊東昏於宮中爲市。使宮人屠沽。潘氏爲市令。帝爲市魁。

明皇遣使擇天下姝好。號花鳥使。

劉聰以婢爲后。王鑒諫曰。不可以汗玉簪而塵瓊寢也。

魏文帝所幸美人薛夜來。妙於針功。雖處深帷之內。不用燈燭。裁製立成。宮中號爲針神。魏秦朗母爲太

祖製衣亦號針神。

唐書。長孫無忌等贊曰。天以女戎。間唐而興。非義士抗之以死。決不可支。

青史子胎教篇曰。古者胎教之道。王后有身。瑞七月而就。奠室。太史持銅而御戶左。太宰持升而御戶右。此三月者。王后所求音聲。非禮樂。則太師撫樂。縑瑟而稱不習。所求滋味。非正味。則太宰荷斗倚升。而不敢煎調。

崔季圭諫魏世子好獵。勸其燔翳捐褶。

教嚴縑瑟。禮重吹銅。教太子事。

太子門戟曰雞戟。太子納妃曰龍枕鴨燈。出張徹晉東宮故事。

晏元獻謝昇王記室表曰。衣存缺衽。式贊於謙。沖饌去邪蒿。不忘於規諫。韓詩外傳。周公誠伯禽曰。衣成則必缺衽。宮成則必缺隅。

王褒太子箴曰。元良繼體。麗正離暉。秋坊通夢。春宮養德。

梁晉安王上昭明啓曰。殿下體高玄蹟。養道春禁。牢籠文圃。漁獵義河。褚遂良疏曰。周嗣問安。三至必退。漢儲視膳。五日乃來。

上官儀册殷王文曰。慶表栽梧。德成觀梓。

陸展棣王制曰。分以白茅。錫其朱邸。

唐彭王僅傳。周稱百代。抑聞麟趾之美。漢命六官。亦樹犬牙之制。

稱藩王之美曰閒。平謂河閒、東平也。亦曰鄙。桂南史。鄱陽王鏐。桂陽王鐔。皆齊高帝之子。鏐好文章。鐔好名理。人稱爲鄙。桂。

人物部三 士庶類

唐時諸道進闈兒。號曰私白。

遽人。驛卒也。出列子。

河西節度使崔希逸。僱人入奏事。註。僱。從也。唐制。軍鎮大使以下。皆有僱人。別奏以爲之使。

諸曹走吏曰鳧雁。後魏道武時事。

當百。軍吏名也。五百。武校名也。

田更。言其老而更事也。漢有三老五更。

褚亮詩。彤騶出禁中。蓋五百戴紅帽以唱騶。自唐已然矣。

倪寬受業孔安國。貧無資。用爲弟子都養。

王敬則初爲散輩。使魏。散輩。謂衆人也。

雁戶。流民也。出唐書。

小兒五歲曰鳩車之戲。七歲曰竹馬之遊。又撫塵而遊。

何妥與蘇夔議樂。朝廷以夔威子多附之。妥怒曰：吾席閒函丈四十餘年，反爲昨暮兒之所屈也。

流宄道路。光武詔語。宄，散也。

彫剋之民。剋，音愧。三國志。

昭帝紀：民匱於食，流庸未盡還。註：謂去其本鄉而爲人庸作。

劉虞爲公孫瓚所殺。北州百姓流舊，莫不痛惜。註：流者，他州流人。舊者，舊著籍幽州者也。

蔡興對武帝曰：陛下自殺賊臣，自葬周旋。王玄謨責所親故吏曰：當艱難時，周旋輩無一言相和發者。蓋

當時自有此語。

郭泰傳：段干木晉國之大隰。註：隰，僧也。

彈王融奏曰：招納不逞，扇誘荒僮。六朝時以北人爲僮荒。

邢巒曰：蕭深藻是幫屐少年，未洽政務。

強宗右姓。出郭儂傳。

章服言論與寒細不異。

論衡曰：藉孺韓嫣，形嬰骨蘭。皮媚色稱，夔與麗同。蘭與妍同。

元結集：諸臣顛官，怡愉天顏。顛音搵。又杜牧樂官曰：顛玩之臣。

巫覡號曰珞眊。見本草。覡音隙。

諸事拾遺。屬之乳姐。傳以潼姆。

楚辭。佻佻倚於彌楹。偃促談於廟堂。註。佻佻。醜女也。

北齊許散愁。自少不登嬖童之牀。不入季女之室。嬖童。一云崽子。美童也。崽。一作崽。音宰。

漢書。女師爲戊姆。

宋明帝謂褚淵曰。吾近危篤。故召卿。欲使著黃襪耳。黃襪者。女服也。魏靜帝謂崔季舒。是我嬪母。

婦人見人。則道福。彼此道勝常。王廣津宮辭曰。新睡起來。思舊夢。見人忘卻道勝常。勝字作平聲。

衆姆。出漢樂歌。姆。美女也。

周文謂尉遲綱曰。事乎。當賞汝佳口。謂佳婢也。

鬧埽。髻名。唐詩。還梳鬧埽學宮妝。

米元章書史云。每歲荒及節迫。往往使老婦。攜書畫出售。婦。卽今之牙婆也。

陸慎言妻沈慘。狡妬。慎言委荆氏。政不在己。吏民號爲臙脂虎。

說苑。以夜繼日。男女切躋。言寫履交錯也。

梁冀妻孫壽。性鉗忌。能制御冀。註。鉗。鉞也。言性忌害。如鉗之鉞物也。

文選。旣媿孀乎幽靜兮。復婆娑乎人間。音鬼獲。女閒靜也。
文選。舒諄倩之纖腰。



表異錄卷四

宮室部一宮殿類

帝居曰累琅。唐王珪。

宮中路曰闡術。魏都賦。

帝居牆曰賁庸。尙書大傳註。

殿柱曰蒿柱。

漢武帝見梁上一老翁。放杖稽首而不言。東方朔曰。此水木之精。名曰藻廉。夏巢幽林。冬潛深河。陛下日造宮室。斬伐其居。故來訴耳。武帝因此止役。

元帝后厭居深宮。王莽欲市其權。令四時巡四郊。春幸繭館。註。上林蠶所也。

西都賦。上觚棧而棲金爵。註。觚棧。帝闕之角也。蘇詩。壁月挂罌罍。珠星綴觚棧。

梅福曰。願一登文石之陛。涉赤墀之塗。

班固傳。周廬千列。註。宿衛之廬。周於宮也。千列。言多也。

漢書昭帝紀。始元元年。上耕於鉤盾弄田。弄田者。天子所戲弄也。

宣帝紀詔池籩未御幸者假與貧民註折竹以繩縣連禁籩使人不得往來爲籩池者陂池籩者禁苑也南史東昏侯遇弑於西弄蓋宮中別道如永巷之類卽今所謂衙者是也

毛詩外傳曰梁鄒者天子之田也東都賦制同乎梁鄒義合乎靈囿

溫庭筠華清宮詞詩澀浪浮瓊砌晴陽上綵旂楊升庵曰疊石凹入如險崖狀謂之疊澀石多作水文謂之澀浪

甘泉賦列宿乃施於上榮兮日月纔經於栱楹註榮屋翼也栱中央也楹屋椳也言臺高日月星宿皆經於此栱音鞅楹音辰

役百乾谿費疑驪山

宮室部二室堂類

左傳向戌來聘見孟獻子尤其室曰子有令聞而美其室非所望也

門飾謂之鋪劉孝標詩金鋪玉鎖琉璃屏江總詩兔形脈脈照金鋪沈佺期詩舞閣金鋪借日懸李元平賦歷金環之華鋪

樓焚焚字音焚註云複屋重梁木多而上出也見太史慈傳

大秦國傳列置郵亭皆聖壑之註壑飾也聖白土

宅大曰連里竟街。又曰并疆兼巷。窗曰疏寮。曰綺寮。又曰廳廡。出韻。又曰白閒。小窗隙曰料戾。石礫曰頤。

又曰玉鳥。多牽椽曰增桴。重棼理木之器曰僞。監修曰護。作室單靈曰單外。

羊元羣罷北海郡。郡舍濶軒有奇巧。亦載之以歸。註。廁屋也。

皇甫湜傳。屋角曰蛟漏雀穿。

唐王鉞宅。有自雨亭。水從檐上飛流四注。當夏處凜若高秋。

戴延之西征記。函道。道如函封也。荀子云。局室蘆簾。局室。室如碁局也。

仇覽過邑人陳元之舍。曰。廬落整頓。耕耘以時。此非惡人教化未及至耳。

姜詩至孝。赤眉賊經詩里。弛兵而過。曰。驚大孝必觸鬼神。比落蒙其安全。註。比。近也。落。藩也。

綺井。亦名藻井。又名鬪八。今俗曰天花板也。

豫章王嶷啓云。往歲作小眠齋。皆補接爲辦。無乖格制。

高歡徵時。止龐蒼鷹家團焦中。蒼鷹母見團焦上赤氣。赫然屬天。團焦。卽今所云團瓢也。

周禮大司徒。里宰以歲時合耦於鋤。鄭氏註。鋤者。里宰治處。若今街彈之室。金石錄有昆陽城漢街彈碑。

周名鋤。漢名街彈。若今之申明亭也。

王莽傳有里區謁舍之語。蓋不宿客之舍爲里區。宿客之舍爲謁舍。

驛傳曰使駮。音閩出唐會要。又曰官櫛。出晉令。急遞曰疾置。舖兵曰遽人。急報曰密驛輕郵。

元魏以候望官爲白鷺。取其延望之意。其時亭堠多刻鷺像。漢明帝過亭障。有烏鳴。亭長射中之。曰。烏鳥啞。引弓射洞左腋。陛下壽萬年。臣爲二千石。帝悅。令天下亭障皆畫烏。楊用修紀行詩。山遮延鷺堠。江繞畫烏亭。

漢書。廝舍。廝者。迓也。漢時野路候迎賓客之所。皆有廝舍。

表異錄卷五

器用部總載

顏延年云。踟躕清防密。註。清防。屏風也。

廣雅。幪幪。幪也。

記事珠。簫局。古熏籠也。一名秦箒。

田俵子。堯時有獬豸。緝其毛而爲帝帳。

柳樞杖也。范石湖詩。病憐柳樞隨身慣。老覺屠蘇到手難。

孔融肉刑論曰。賢者所制。或踰聖人。水碓之巧。勝於斷木掘地。蘇詩。掘地與斷木。智不如機舂。聖人懷餘

巧。故爲萬物宗。機舂。水碓也。

輿服志。法駕前驅。有九旂雲罕。皆旌旗名。

射雉賦。捧黃閒以密殼。屬剛挂以潛擬。黃閒。弩名。剛挂。矢名。

清賞錄。右軍有巧石筆架。名扈班。大令有斑竹筆筒。名裘鍾。

唐書。器不行窳。註。不堅牢曰行。苦惡曰窳。

樂天詩。笛愁春盡梅花裏。簾冷秋生薤葉中。註。蘄州出美竹。製梅花笛。薤葉簾。

李洞詩。六赤重新擲印成。六赤者。古之瓊髮。今之骰子也。

鈞。鬻斗也。見驂鸞錄。鈞。母朗切。

魏明帝詩。晝作不停手。猛燭繼望舒。庾闡藏鬪賦。督猛炬以增明。謂大燭大炬也。周禮有墳燭。

金錢百萬酒千鴟。鴟。盛酒器也。

爾雅註。鸛。鸛似鳧而小。膏可鑿刀。杜詩。筆健凌鸚鵡。銛鋒瑩鸛鵝。又云。鐫錯碧翬鸛鵝膏。銛鏗已瑩虛秋。

濤。

戴法興臨死封庫藏。使家人謹錄籥杜。

竟陵王得古器。小口方腹而底平。以問陸澄。澄曰。此名服匿。單于以與蘇武。驗之果然。

藥崧爲郎。獨直臺上。無被枕。杜。杜。思漬反。謂俎几也。

條脫。卽今之腕釧也。

繩屣。草鞋也。出儀禮。

白樂天詩。日暮半爐麩炭火。今人謂炭浮者。曰麩炭。蓋本此。李茂正優人亦曰歸長安。賣麩炭足過一生。

杜詩。作水排鑄爲農器。百姓便之。註。排。蒲拜反。冶鑄者爲排。以吹炭。令激水以鼓之也。

廣陵王荆作飛書。封以方底。註。方底囊所以盛書也。

徐琨母請伐蘆以爲泚。佐船渡軍。註。泚。水中簞也。

溺器曰夜瀦。見唐人文集。

用修冬日文宮詞曰。障風貂尾扇。熅火象牙籠。象牙籠。見西京雜記。歐陽玄詩。十月都人供煖篋。

周禮。六彝皆以舟。鄭註云。舟。下臺也。卽今之酒盤。

陸雲與兄機書。有別齒織一枝。以寄兄。

梁元帝讀易賦。著名聚雪。卦有密雲。陸魯望幽居賦。著名聚雪。琴號落霞。

會稽竹簞供御。號爲流黃簞。唐詩。珍簞冷流黃。

供御炭。用鶉鴿色。胡桃文。

韓文公湘簞詩。蘄州笛竹天下知。一府傳看黃琉璃。卷送八尺含風漪。白樂天簞冷秋生薤葉中。薤葉秋

生。琉璃夜滑。

白樂天詩。紅缸霏微滅。碧幌飄飄開。張光朝詩。星缸凝夜暉。陸魯望詩。月缸曉屏碧。皆謂燈也。李賀詩。曉

虹屏中碧。虹卽缸。

申王取豬毛刷淨。命工織爲席。滑而且涼。號曰壬癸席。出河東備錄。

飽箭、響箭也。見南史。

西都賦。招白閒。下雙鶴。揄文竿。出比目。二句爲對。御覽引風俗通。白閒。古弓名。文選以閒爲鷗。非也。

藜牀、牀之爲杖也。桃笙、笙之爲簾也。阿錫、錫之爲布也。藻井、井之爲言板也。玉卮無當。當之爲言底也。子列

• 衣阿錫。曳齊紉。錫韻書作錫。袒衣也。

梁簡文詩。織成屏風。金屈戌。李商隱詩。鎖香金屈戌。李賀詩。屈膝銅鋪鎖阿甄。膝與戌同。窗戶鎖鉸具也。桃笙。以桃竹爲簾也。出柳子厚詩。呼簾爲笙。宋魏時語。

不借爲草履。不落爲酒杯。不律爲筆。

軍持爲淨瓶。繞梁爲樂器。

杖名扶老。鳥亦名扶老。蟲爲寄生。軍裝亦名寄生。鷗名晨風。馬亦名晨風。木名長卿。彭越亦字長卿。草曰屠蘇。屋曰屠蘇。冠幘曰屠蘇。酒亦曰屠蘇。

山谷論筆云。其擇毫如郭泰之論士。其頓心著副。如輪扁之斲輪。

酒廬。賣酒之處。壘土所築。形如鍛廬。以居酒甕。

東坡詩。麥光鋪几淨無瑕。註。麥光。紙名。又曰。爲把栗尾書溪籐。註。栗尾。筆也。

棗心、蘭蕊。皆筆名。

雲膜、紙也。

魚卵、紙也。

右軍事可對鼠須。

山谷詩宣城變樣蹲雞距。諸葛名家拈鼠鬚。皆筆名。

隋志有龍舟鳳帽。音墨亦舟也。

淶鷁、葱鷁、皆船名。見劉楨賦。

金翅、戰船名。

出南史。

江夏王義恭還朝文帝以御所乘蒼蠻船上迎之。

帛蘭船以帛爲蘭檻也。

出漢書。

孫權時名舸爲馳馬曹真有快馬呼爲驚帆。

趙興欲出見矯稱侍中者鮑永拔佩刀截馬當匈乃止。註當匈以韋爲之。

犀舟勁楫。

出張衡傳。

摸枋大木也。

以人立兩旁但可以手摸。出齊東野語。



表異錄卷六

音樂部總載

閨宮閏徵。卽變宮變徵。五音惟宮徵有變。

顧愷之箏賦。斌麗含清。輕縟璘彬。孫諺琵琶賦。抑揚按念。冉孌摧藏。皆極形容之妙。

箏箏多撮。琵琶多撝。空侯多擘。柳琴多擊。

妓女以鹿角琢爲爪以彈箏。曰繫爪。梁簡文箏詩。停絃時繫爪。息吹治脣朱。又曰。義甲。唐劉言史詩。送卻

玻璃義甲聲。繫。一作擊。

嵇康琴賦。慕老童於隲隅。欽泰容之高吟。註。隲。山神。老童居之。其音常如鐘磬。老童。顓頊子。泰容。黃帝樂師。

羅敷豔歌。丹脣含九秋。妍迹凌七盤。九秋。曲名。七盤。楚舞。妍迹。一作妍初。

漢書雅聲。遠姚。註。姚。僊姚。飛揚之意。

奚囊橘柚鐘。一名長嘯。一名粲谷。三餘帖。簫。一名石弦。一名紫佩。

牛僧儒初以所業謁韓愈。皇甫湜。其首篇說樂。韓始見題。卽掩卷問曰。且以拍板爲甚麼。僧儒曰。樂句。二

公大稱賞。

絲竹淒唳。出吳越春秋。

倡飲甚歡倡樂也。

笙簧時以火炙之。樂家謂之煖笙。陸魯望詩。妾思冷如簧。時時望君煖。

張釋之傳。慎夫人鼓瑟。上自倚瑟而歌。註。倚瑟。卽今之以歌合曲也。

王建宮詞。羅衫葉葉繡重重。金鳳銀鸞各一叢。每遇舞頭分兩向。太平萬歲字當中。唐樂府雜錄云。舞有健舞、軟舞、字舞、花舞、馬舞。字舞者。以舞人亞身於地。布成字也。故建有太平萬歲字之句。

表異錄卷七

軍旅部總載

尹子環龜脫兔之法。謂兵法也。孫武子敵人開戶。後如脫兔。敵不及拒。環龜。出司馬用衆篇。歷沛歷汜。兼舍環龜。謂環陣如龜也。

國語。挺鉞搢鐸。以與楚王毒。逐於中原。言鳴金鼓而暴戰也。

西征賦。谿子巨黍。異黍同機。礮石雷駭。迅矢蠶飛。註。谿子。蠻夷拓弓也。巨黍。古良弓。蠶飛。箭名。

裴耀卿論蓋嘉運曰。萬人之命倚於將。示不得已。故鑿凶門而出。今酣呶朝夕。胖肆自安。非愛人憂國者。貞元中。宣武軍兵變。執城將曹金岸另之。註。另。古瓦翻。卽丹字也。

李陵曰。令漢貫陵罪。全其老母。使得奮大辱之積志。庶幾乎曹柯之盟。

郭圖說袁紹曰。監軍之計。在於將牢。又諸將謂姚萇曰。陛下將牢太過耳。將牢。猶言持重也。

李廣自負其能。數與虜确。

武帝謂曰。日者北邊有興。註。謂發軍也。

隗囂傳。多設支閼。障閼也。

尉繚子兵法。耕有春懸耜。織有日斷機。言用兵妨耕織也。國語。室無懸耜。後漢書。簡其精勇。多其牢賞。註。牢。廩食也。

燕王爲慕容翰造可手弓矢。註。可手。便手也。

漢明帝報中山王書。今五國各官騎百人。稱妮前行。註。齊整也。

董卓縱放軍士。剽虜資物。謂之搜牢。言牢固者皆搜取之也。

中外共誣皇甫規貨賂羣羌。令其文降。註。以文簿虛降。非真心也。

耿國傳。使塞下無晏開之警。註。有警急則開門晚也。

相如傳。攝弓而馳。註。謂張弓注矢而持之也。

三國志。虜亦遮守蹊要。註。蹊。徑路也。謂徑路要處也。

王尊傳。迹射士千人。註。言能尋跡而射取之也。又有射聲校尉。言聞聲而能射之。

韓安國曰。高皇帝圍於平城。匈奴至者投鞍。高如城者數所。

此段小寇出於凶愚。天網宏置。理不足論。豫章王疑語。

李希烈攻汴州。驅民運木土築壘。忿其未就。并人填之。謂之濕薪。

典韋陷呂布陣。謂等人曰。虜來十步乃白之。等人曰。十步矣。又曰。五步乃白。等人懼。疾言虜至矣。韋持戟。

大呼而起。所抵無不應手倒者。註：等人、立等以募人及等者謂之等人。

孫策攻劉繇牛渚營。盡得邸閣糧穀戰具。註：邸、至也。言所歸至也。閣、庋置也。謂轉輸之歸至而庋置之也。公孫瓚自居樓上。斥去左右。專與姬妾居。文簿書記皆汲而上之。

王莽時。四方皆以饑寒起爲盜賊。常思歲熟得歸鄉里。衆雖萬數。不敢略有城邑。日闕而已。註：闕、盡也。隨日而盡也。此言羣盜攻剽所得。日給口體而已。

唐詩。請纓下南越。按繩縛涼州。

管子曰。無委致圖。城脆致衝。註：城中無積糧。曰無委。

莊子。壞植散羣。植者。邊境植木以爲界。謂徹戍罷兵。鄰封混一也。

輕呂寶劍名。武王用以擊紂。

春秋傳。三軍皆譁。鈞以振旅。鈞。音口。歡動也。杜詩。傳士卒鼻藻。註。言其和陸歡悅。如鼻之戲於水藻也。

彭蒙罵先主爲老革。註。猶言老兵也。

梁戴嵩從軍行云。長安夜刺閨。胡騎犯銅鞮。刺閨。夜有急報。投刺於宮門也。

魏耿令貴曰。若不能殺賊。又不爲賊所傷。何異逐坐人也。註。指當時持文墨議論者。但好相隨逐坐談也。

韓蘄王軍中。別置親隨軍。擇勇力尤異者充之。謂之背嶮。嶮。酒瓶也。

韜章罩虎。捲旆收鷲。言凱旋也。

金精埽旦。

出公羊

玉弩驚天。

出漢書

蚩尤曜旗。王良策馬。皆星氣也。

吐蕃陷麟州。虜將徐舍人。會飛鳥使至。召其軍還。飛鳥使猶傳騎也。

邊有質館。以居降夷。

星施。出王會篇。施。旗屬也。可對月羽。

馮唐傳。夫士卒盡家人子。起田中從軍。安知尺籍伍符。註。尺籍。所以書軍令。伍符。軍士伍伍相保之符信也。

蕭淵明與王僧辯書。凡諸部曲。並使招攜。赴投戎行。前後雲集。霜戈電戟。無非武庫之兵。龍甲犀渠。皆是雲臺之仗。王勃滕王閣序。紫電清霜。王將軍之武庫。正用此事。

牢稟逋懸。出劉虞傳。言軍糧不續也。

桔槔。灌園之器。邊方舉火。亦用桔槔。唐詩。桔槔烽上暮煙飛。又桔槔方灌園。

西京賦。植鑿懸獻。用戒不虞。獻。音伐。打更木也。

刁斗曰金柝。

周文嘗爲項燕軍視日。註：視日時吉凶舉動之占。

侯景浴鐵數千葉。翼衛左右。註：言鐵甲堅滑。若以水浴之也。見梁紀大寶元年。

魏詔諸州鎮軍貫。非有罪配隸者。皆免爲民。軍貫。軍籍也。

募兵集兵也。

董卓拔戟擲呂布。布拳捷得免。

齊斧。虞喜志林音側階切。凡師出齊戒入廟受斧。故曰齊也。陳林云。腰領不足以膏齊斧。註云。斧。鉞也。以

整齊天下。太平御覽引漢書王莽傳。喪其齊斧。亦音齊。淮南子。摩蕭斧以伐朝菌。

越世家。句踐伐吳。發習流二千人。習流。蓋士之習水戰者。註以爲流放之人。誤。

耶律德光指劉知遠曰。此都軍甚操刺。操刺。俗語勇猛也。

肱脾相依。即唇齒

混源軒囂。作亂

又曰羣臣連與成朋。賜燕王璽書曰。樊、鄴、曹、灌。攜劍推鋒。從高皇帝墜菑除害。耘鉏海內。當此之時。頭如

蓬葆。勤苦至矣。然其賞不過封侯。今宗室子孫。曾無暴衣露冠之勞。裂地而王之。

廉范傳。虜自相隣藉死者千餘人。

滿寵論曹休曰。今所從道背湖旁江。易進難退。此兵之窪地也。

甘延壽傳。試弁爲期門。哀帝贊卞射註。並以弁卞爲手搏。

李陵傳。轉鬪千里。矢盡道窮。士張空拳。司馬遷傳作張空拳。註。拳。弩弓也。

兩甄。軍中兩翼也。左傳曰。左右拒。韓非子。軍門曰和。一作獵伍曰甄。音陣。

傅燮謂耿鄙曰。不若息軍養德。明賞必罰。賊得寬挺。必謂我怯。羣惡爭勢。其離可必。註。挺。解也。緩也。

黥布傳。陰拱而觀其孰勝。言坐觀成敗也。

鄧訓傳。擁衛稽故。令不得戰。註。謂稽留事故也。

左傳曰。衷戎師。史記匈奴傳。善爲誘兵以冒敵。漢書作包敵。

衛青傳。得右賢裨王十餘人。

李廣自以大黃射其裨將。註。黃。肩弩也。

喧呼痕鬪。出唐書章宙傳。

風纏露沐。卽櫛風沐雨。

梁兵及潞州。築夾城爲蚰蜒塹以圍之。

朱伺常所調弩。忽噤不發。

石勒集衣冠人物。別有君子營。

岑彭傳。棹卒六萬餘人。露橈數千艘。註。棹卒。持棹行船也。露橈。謂露楫在外。人在船中。

高仙芝以李嗣真爲陌刀將。唐六典。武庫分掌兵器。刀制有四。儀刀、障刀、橫刀、陌刀。

長楊賦。摩城擗邑。下將降旗。擗音臆。舉手擬之也。又分黎單于。磔裂屬國。黎與務同。謂剝析也。又腦沙幕。

髓余吾。註。腦塗沙幕髓入余吾。甚言其大破死亡。髓。古髓字。

趙充國傳。軍士寒。手足皸瘃。註。皸。坼裂也。瘃。寒創也。

馬融疏曰。盡力率厲。埋根行首。以先吏士。註。埋根。言不退也。行。音杭。

援旗糺族。引旗聚衆也。

奮威德以投天隙。天時之閒隙也。

軍中以端午走馬。謂之躡柳。音札。見文昌雜錄。雜。一作雅。

段遼遣兵攻柳城。都尉石琮。城大慕輿。堊并力拒守。註。城大。猶城主也。



表異錄卷八

植物部一 蔬穀類

韓子禹身執纊垂、以爲民先、垂卽插字。

漢文帝詔、今農墮身從事、而有租稅之賦、

陸龜蒙身操畚鍤、莠刺無休時、註、莠刺、除草也。

蘇詩、秋霖暗豆莢、夏旱糶麥人、本草、蕎麥、取人作飯、食之下氣、蓋麥之心曰人。

范石湖詠吳米詩、長腰瓠犀瘦、齊頭珠顆圓、

廣志、香秔、有青幽白夏之名、

刈稻後、得雨復抽餘穗、謂之稻孫、見坦齋筆衡、

禾不因種而生、曰稻、侯景作亂、貴家大族、皆自出采稻、所謂秬生是也、

罷亞、稻多貌、

宿麥、註、舊也、麥必經年而後熟、

山谷詩、夏栽醉竹餘千個、春糞辰瓜滿百區、齊民要術、二月辰日宜種瓜、

洪邁老圃賦云。織女耀而瓜薦。大昴中而芋食。春秋元命苞云。織女星。主瓜果。孝經援神契云。仲冬昴星中收芋莖。

清異錄。吳越錢氏子弟逃暑。取一瓜各言其子之數。言定剖觀。負者張宴。謂之瓜戰。廣志有龍蹠、獸掌、羊髓、兔頭、皆瓜屬。陸機賦有金釵、虎蟠、玄肝、素腕、皆瓜名。

山谷詠菜曰。雨甲煙苗。

養生談錄曰。韭性暖。號草鍾乳。

宋宇種蔬三十品。雨後行園圃曰。天苗。此徒助子鼎俎。家復何患。

王彥章壘壇種花。急欲苔蘚。而經年不生。曰。叵耐這綠搨兒。

令草宜男花也。

出傳玄賦。

述異記。苔名重泉。亦呼宜蘚。亦名妬草。廣博物志。苔爲青膚。一名蠅蟻衣。

馬希範病酒。厭膏膩。袁居道曰。大王今日使得貧家纏齒羊。謂蔬茹也。

書帶新抽。屏風互發。皆言草也。書帶出鄭玄。屏風見楚辭。

如草旣薤厥藁。其猶有綴芳。

紫龜綠鼈。並太液池草名。

蘆蕨一名電突見唐志

韓退之聯句鴻頭排刺芡山谷詩剖蚌煮鴻頭鴻頭芡也

列子趙襄子狩於中山藉苻燔林苻舊草未芟新草又生也

瓦松謂之昨葉垣衣謂之昔邪吳均詩惟對昔邪房如愧蜘蛛屋

佛經云奇草芳花能逆風開薰江淹別賦閩中風暖陌上草薰正用之六一詞云草薰風暖搖征轡又用

江淹語

蓮實一名水芝又名湖目王芝詩綠齊山葉滿紅曳水芝銷

卯菱即芡也見管子註五行篇

植物部二花果類

陸機與弟書張騫爲漢使外國十八年得塗林塗林謂安石榴也

石榴一名丹若一名天漿

湘潭記陸展見楊梅歎曰此果恐是日精

越州人呼楊梅爲楞梅見能改齋漫錄

文與可朱櫻歌曰凝霞作九珠尙輒油露成津蜜初割君王日午坐猗蘭翡翠一盤紅鞞鞞

橄欖爲諫果。苦筍爲諫筍。

甘蔗一名諸蔗。出相如賦。一名都蔗。出曹子建詩。亦作邯臈。出神異經。

艾一名冰臺。見爾雅。

臯盧昌明皆茶名。皮日休云十分煎臯盧。白詩有綠昌明。

橘曰木奴。松曰蒼官。

筍爲竹萌。出周禮。亦名竹胎。出說文。

櫻桃一名鸞桃。亦名含桃。

茶名森伯。又名晚甘侯。見清異錄。

蓬蘽蘆花也。

唐詩門外晚晴秋色老。萬條寒玉一溪煙。蓋指竹也。

宋懷春望詩都尉新移棗。司空始種楊。漢人尹都尉著書名種植法。有棗鼠耳槐兔目之語。淮南子二月之官司空。其樹楊。

汜勝之書栽樹正月爲上時。二月爲中時。三月爲下時。然棗雞口。槐兔目。桑蝦蟆眼。榆負瘤散。其餘雜樹鼠耳蜜起。各以其時。

栝松百年。卽有白衣如粉。謂之艾藕香。出本草。

劉銀每荔枝熟時。設紅雲宴。

露甲瑞香也。

寧王每春時。於後園紐紅絲爲繩。綴金鈴。繫花梢之上。有鳥雀翔集。則園吏掣鈴索以驚之。號護花鈴。南溪貴璫趙純節喜芭蕉。軒窗館宇咸種之。時號蕉迷。綠條散風。清陰交陌。盛弘之荊州記交柳。

越多橘柚園。歲多橘稅。爲橙橘戶。吳書闕尙表請除臣之橘籍。

白楊。一名高飛。一名獨搖。見廣志。

皮蕃食竹筍曰。三年不見羊角哀矣。

懷素貧無紙學書。常種芭蕉萬餘。以供揮灑。名曰綠天。作種紙庵。

沙門曇霄種葡萄。人號草龍珠帳。

唐穆宗宮中牡丹花開。以重頂帳蒙蔽欄楹。置惜春御史掌之。號曰括香使。

地黃。一名地錦。見雷公炮炙序。

醫家謂棗爲百益。紅梨爲百損。黃。

溫庭筠謂葡萄是賜紫櫻桃。黃葵是鍍金木槿。

仙家呼枸杞爲三青蔓。

將離贈芍藥。芍藥一名可離。相招贈文無。文無一名當歸。欲人忘憂贈丹棘。丹棘一名忘憂。欲人獨念贈青棠。青棠一名合歡。

菊一名更生。一名日精。一名女華。一名周盈。一名禽華。一名傅延年。

陶穀作筍墓誌曰。邊幼節。字脰中。晉琅琊玠之裔也。以湯死。

杏不實者。深冬以酒奠而祝之。謂之嫁杏。明年結子無數。江淮亦有嫁橘法。

綠英。金片。皆茶名。唐六典。

雨腳雲花。茶經。

白傅紫薇詩。除卻微之應見愛。世閒少有別花人。薔薇詩。移他至此須爲主。不別花人莫使看。

唐末文人呼芍藥爲婪尾春。婪尾酒乃最後之盃。芍藥殿春。故以名。

司空圖詞。謂梨花爲瀛州玉雨。

婦人取醪醑置書冊中。冬閒插髮。謂之花腊。

鹿韭。鼠姑。俱牡丹舊名。出神農本草。

游仙記。王母居龍月城。有李實。上皆有黃中二字。又王母遺黃帝有上清玉文之李。

酉陽雜俎。人有折博陵君豹山園桐枝者。公曰。何爲傷我鳳條。
古詩。風搖羊角樹。日映雞心枝。羊角、雞心、皆棗別名。
本草。菊一名傅延年。朱新仲詩。三徑誰從陶靖節。重陽惟有傅延年。
巔南竹曰澀勒。



表異錄卷九

動物部一羽族類

師曠禽經。鳳凰。一曰瑞鷗。一曰雞趣。

潘岳射雉賦。靡聞而驚。無見自鷺。註。鷺。音脈。疑也。

廣志。鷓鴣飛必南翥。故曰懷南。江右曰逐隱。

鶴賦曰。眷彼軒郎。治茲松府。

相鶴經曰。鶴者仙人之騏驥。

郝輪畜鷄數百。外甥丁權伯以殺生爲勸。輪曰。汝要我破除羹本。雖親而實疏也。

括地圖。孟戲人首鳥身。爲虞氏馴百禽。夏后末。民始食卵。孟戲去之。鳳凰隨焉。抱朴子。翠蚪覩化益而登

玄臺。靈鳳值孟戲而返丹穴。

揚雄傳註。布穀一名買鏡。蓋聞其聲。則思買鏡。鋪以布穀也。

禽經。鳳靡鸞吡。百鳥瘞之。註。鳳死曰靡。鸞死曰吡。

文選。百卉其零。剛蟲剝擊。鷹隼之類是也。

鸚鵡、一名阿蘇。

方言黃鸚謂之鸚鵡。又名商庚。或謂之楚雀。毛詩義疏謂之搏黍。

鵲與燕皆名神女。見古今註。

韓愈薦士詩。鶴翎不天生。變化在啄菴菴。音暴。鳥伏卵也。

養鷹鸛者謂之味。以麥反。嗽。宋三館書有味嗽三卷。皆養鷹鸛法。具醫療之術。

藏經呼喜鵲爲芻尼。見許彥周詩話。

杜宇一名謝豹。顧況詩。綠樹村中謝豹啼。

劉孟新宮詞。悶傍雕籠問翠哥。翠鸚鵡也。

荆公詩曰。蕭蕭搏黍聲。中日漠漠春鉏影。外天搏黍。黃鸛也。春鉏。鷺也。蕭立之詩曰。溪流清淺春鉏曉。籬落荒涼絡緯秋。黃魯直尺牘言。割春鉏之股。以嗽於菟。

本草。布穀。江東人呼爲郭公。

動物部二 毛蟲類

天中記。象一名大客。梁翔法師曰。象一名伽那。

梵書謂鹿爲伊尼。山谷詩。照灘行郭索。焚野得伊尼。

後唐瓊花公主有二貓。一白而口銜花朵。一烏而白尾。主呼爲銜蟬奴。崑崙姐。己。貓。一名烏圓。一名白老。

郭林隱居泰山。畜一胡孫。謹恪不踰規矩。呼爲尾君子。埤雅。飛鼯甘煙。走貊美鐵。嗜好不同。未足怪也。

子虛賦云。獲若雨獸。註言殺獲之多。如天之雨獸也。

酉陽雜俎。野狐。名紫夜。十道名山記。載狐自稱阿紫。

吳郡疏支道林好馬。其最愛者曰頻伽。嘗飲頻伽於橋下。馬渡處忽生蓮花。

清賞錄。李白有馬。名黃芝。

呂布御良馬曰赤兔。能馳城飛塹。

漢文帝有良馬名紫燕。曹洪與魏武帝馬。名曰白鶴。張飛有馬名玉追。又曰豹月烏。

淮南子曰。馬。鬣蟲也。而可以通氣志。猶待教而成。況人乎。

父馬。牡馬也。

河精曜彩。似伏波之鑄銅。震象飛文。笑東瀛之刻玉。

可馬相如封禪文。招翠黃乘龍於沼。註翠黃。乘黃也。漢書禮樂志。訾黃其何不徠下。卽翠黃也。

張彪有義犬名黃蒼可對白赭。

肅霜馬色如霜。執駢者馬文如博碁。

木蘭詞願借明駝千里足送兒還故鄉。駝臥腹不帖地屈足漏明則走千里故曰明駝。唐制驛置有明駝使非軍機不得擅發。楊妃私發明駝使賜安祿山荔枝。見小說。

驪馬犗馬也俗謂之扇馬。

獬廌觸邪一名神羊窮奇逐妖一名神狗。見山海經。

梅聖俞有馬名鐵獺潘昉有鶴名紫卿。

驢曰衛子或言衛地多驢故名。或言衛靈公好乘驢車。或言衛玠好乘跛驢。

杜光庭犬名吠雲可行萬里。

狗識人意指曰周狗。出公羊傳。

西京雜記李亨好鷹犬狗有修毫釐睫白望青曹之號狗謂之烏龍白少傅和遊春詩烏龍臥不驚青鳥飛相逐。韓渥詩洞房深處不曾開橫臥烏龍作妒媒。

韓盧宋鵠良犬名盧純黑色鵠黑白色李賀詩練香薰宋鵠獵犬而以香薰之蓋貴公子驕奢之態。

丁櫟郭椒牛名可對韓盧宋鵠。

蘇詩。寒窗暖足來樸渥。夜鉢咒水降蜿蜒。古樂府。雄兔脚樸渥。雌兔眼迷離。

動物部三蟲魚類

晉禮樂志。苑窳蠶神窳。烏瓜切。

蠶。一名蠹蛾。一名女兒。又名龍精。荀子蠶賦。儵儵兮其狀。屢化如神。註。儵儵。無毛羽狀。

說文。麤。蠶。蝸牛也。東坡詩。壁經梅雨畫麤。爾雅。潛。蝨。蟋蟀也。韓詩。幽響泄潛。蝨。音拱。又居用切。

爾雅。潛。蝨。蟋蟀也。韓詩。幽響泄潛。蝨。音拱。又居用切。

蟻。一名蠶蟻。亦名玄駒。

莎雞。絡緯也。促織。蟋蟀也。古今注合爲一物。誤。

江海閒有魚。游必三。如媵。隨妻。人號婢。妾魚。

劉臻好啗蜺。以音同父諱。呼爲扁螺。

河魴。本名鯪。魴魚。見左太冲賦。

蝦蟆謂之蛤。裴廸詩。草堂荒產蛤。茶竈冷生魚。東坡詩。稻涼初吠蛤。柳老半書蟲。

崔豹古今注曰。河內有人嘗見人馬滿地。如黍米大。取火燒。皆作蚊蚋飛去。因號蚊爲黍民。

蟹曰無腸公子。龜曰先知君子。出抱朴子。

內典曰。比丘忠草蟲。佛聽作拂子。註草蟲。昏蟲也。又曰下門蟲。也。蚊。
有足曰蟲。無足曰豸。

蛺蝶。一名野蛾。大者爲鳳子。亦名鳳車。見古今注。採蘭雜志。一名春駒。

白鳥。蚊蚋也。丹良。螢也。古今註。螢一名景天。

水鳴。蛙也。今人呼水雞。本此。

玄蟲。蟬也。出子建集。


習鑿齒襄陽耆舊傳云。漢水中鰮魚甚美。常禁人捕。以槎斷水。因謂之槎頭鰮。宋張敬兒爲刺史。作六檣船。置獻齊高帝。曰。奉槎頭縮項鰮一千八百頭。孟浩然屢用之。

張籍詩。江村亥日常爲市。山谷詩云。魚收亥日妻到市。李淳風易鏡占云。取魚卦。宜二水。又云。取魚宜見水忌土。蓋亥見屬水故也。

薛道衡文。足足懷仁。般般擾義。足足。鳳也。般般。麟也。說文。鳳鳴節節足足。相如封禪書。般般之獸。樂吾君囿。

天雞之爲莎雞也。蜚鴻之爲蠛蠓也。蒲盧之爲蜾蠃也。蛤之爲蝦蟆也。白魚之爲衣蟲也。王孫之爲猴也。白鳥之爲蚊也。赤鳥之爲螢也。皆以大名小者也。輻鼠之爲牛也。以小名大者也。

馬通、馬糞也。見後漢書戴就傳。白鴨糞、亦名鴨通。楞嚴經註以牛糞爲茹退二字、新。



表異錄卷十

人事部一賢愚類

北方謂媚好爲詭畜。出漢張敞傳。

漢書攻苦澁淡。注勤苦用功曰澁。

漢書圍奪成家爲豪傑。注禁守其人而奪其物也。

盧杞諂諛阿匱。楊再思阿匱取容。

阿隨之譬曰如驂之靳。出左傳。靳車中馬也。

王肅性輕佻。頗以功名自許。護疵稱伐。少所推下。

爾雅矜憐撫掩。註猶撫恤也。

鼂錯傳外無騫污之名。騫損也。污辱也。

後漢鄧訓西羌兩傳皆有首施兩端。註猶首鼠也。

賤賤貪財之貌。出經史正音。

崔浩言屈丐擻豎小人。言擻起自豎立。猶言暴發也。

莊子喬詰卓鷲喬好高詰好辨卓孤立鷲猛厲也。

袁紹傳操本無令德。儻狡鋒俠。

古鶩曰閃榆傾佞之貌。

戾太子傳贊曰千秋才知未必能過人也。以其銷惡運。遏亂原。因衰激極。道迎善氣。傳得天人之祐助云。

孝武末年嗜酒好內。而會稽王道子昏營尤甚。

盧植上書曰。今之禮記。特多回冗。註紆曲也。

莊子一命而呂鉅。註駭矜貌。

後漢陳忠疏曰。若嘉謀異策。宜輒納用。如其管穴。妄有譏刺。雖苦口逆耳。不得事實。且優游寬容。以示聖

朝無諱之美。

武帝問東方朔。方今公孫丞相兒大夫等。皆辨知閎達。溢於文辭。先生自視。何與比哉。對曰。臣觀其兩齒

牙。樹頰。吐脣。吻擢項。頤結執脚。連雕尻。遺蛇其迹。行步僂旅。臣朔雖不肯。尚兼此數者。註遺蛇猶逶迤

也。僂旅。曲躬貌。

楊惲曰。脛脛者未必全也。註直貌。

趙充國曰。諸君但欲便文自營。非公家忠計也。

陳湯儻莫不自收斂。○儻蕩不備。疏誕無檢也。

漢書虞詡疏。公卿選懦。容頭過身。蓋以貓犬喻之。凡貓犬鑽穴。頭可容。身即過矣。

史記人貌榮名貌。音墨。猶頂戴也。今人猶云頂好名目。

燕王旦令羣臣曰。子大夫何以規佐寡人。又曰。今寡人欲播邪防非。章聞揚和。

執事大人。曾不歷算周思。以爲宿謀。方且崑岸抑揚。自以爲廣大繁昌。莫己若也。杜牧言河北之弊。

滄和染教。皆爲善良。褚遂良疏語。

袁聿修少年平和溫潤。素流之中。最爲規檢。爲尚書郎十年。未曾受升酒之遺。

比其人曰。時人以輩前世某人。出後漢書循吏傳。

江革遇賊。詞氣愿款。有足感動人者。

貪沓。唐書多用此字。

王叔文淺中浮表。

孫儒以繩卞橫里中。

王遵遺牛邯書云。王之將吏。羣居穴處之徒。人人抵掌。欲爲不善之計。註穴處。言所識不遠也。

蘇純有高名。性強急。而持毀譽。註謂執毀譽之論也。

梁冀洞精矚眦。註洞通也。矚它蕩反。目精直視也。

蔡人習僞惡相掉訐。獷戾有夷貊風。

渠凶宿狡。

見鄭從謹傳。

後漢書。瞻勢益殖。註殖生也。言其惡愈肆也。

或因罪而引高。或色斯以求名。

左雄疏語。

李固傳論曰。傳爲義則傷生。傳爲生則寤義也。註違

舉中於理。則強梁褻氣。片言遠正。則斷臺解情。

劉表以王粲貌寢而體弱。通倂不重也。註通倂簡易也。

范滂傳論曰。李膺振拔汗險之中。蘊義生風。以鼓動流俗。激素行以恥威權。立廉尚以振貴勢。使天下之

士奮迅感槩。波蕩而從之。幽深牢。破室族而不顧。至於子伏其死。而母歡其義。壯矣哉。子曰。道之將廢也

與命也。

孔融發辭偏宕。多致乖忤。

孔融傳論曰。若夫文舉之高志直情。其足以動義槩而忤雄心。故使移鼎之迹。事隔於人存。代終之規。啓

機於身後也。夫嚴氣正性。覆折而已。豈有員圓委屈。可以每其生哉。每。貪也。

丁鴻上封事曰。左官外附之臣。依託權門。註。左官者。人道尙右。舍天子而事諸侯。爲左官。外附。謂背正法而附私家。

韓泐草王璵詔。無借言。及當國。貶泐兄弟。

漢書公卿以下見陛下。進用輔亟而折傷之。暴人有懼心。精銳銷喪。

仲長統傳。中世之選三公也。務於精愨謹慎。循常習故者。是婦女之檢桺。鄉曲之常人耳。惡足以居斯位耶。

黃瓊疏曰。陛下不加清徵。審別真僞。本出楚詞。君含怒以待臣兮。不清徵其然否。

趨庭之狀。曰首下尻高。韓子

陳壽高堂隆傳贊曰。隆學業修明。志存匡君。因變陳戒。發於懇誠。忠矣哉。及至必改正朔。俾魏祖虞。所謂意過其通者歟。註。謂意料之說。反過其學之所通習也。

三國志關羽傳曰。馬超降蜀。羽遣書諸葛亮。問其爲人。亮知羽護前。答書曰。孟起兼資文武。可與益德並驅爭先。猶未及髯之絕倫超羣也。綱目。梁武帝與沈約共疏粟事。約少上三事。曰。此公護前。不則羞死。護前。蓋好勝也。

掉磬。矯激也。出禮記

魏舒不爲皎厲之事。註皎者求以暴白於世厲危行也。

傅巽目龐統爲半英雄。

袁宏贊曰。堂堂孔明。基宇宏邈。初九龍盤。雅志彌確。苟非命世。孰掃雲霧。釋褐中林。鬱爲時棟。灌夫不好文學。喜任俠。已然諾。註己必也。

張紘與孔融書曰。虞仲翔前頗爲論者所侵。美寶爲質。彫摩益光。不足以損武帝紀。詳延天下方聞之士。咸薦諸朝。註詳悉也。延。引也。方。道也。聞。博聞也。

儀禮云。以禮下賢。賢者藁蔓而歸之。漢書有株送。

又詔曰。朕思遲真士。側席異聞。遲。持二反。希望也。

常袞懲元載敗。窒賣官之路。非文辭者皆擯。不用世謂之齮伯。以其齮齮無賢不肖云。

後漢書。董仲綬。智爲儒臬。唐蘇楷。河朔人。目爲衣冠士臬。

俗謂不通時宜者爲方頭。陸魯望詩云。頭方不會王門事。塵土空縑白紵衣。

董皇后傳。汝今勅張怙汝兄耶。註猶強梁也。

孫權曰。長文之徒。昔所以能守善者。以操笞其頭。畏操威嚴。不敢爲非耳。

杜周少言重遲。而內深次骨。

吳張溫少有盛名。顧雍以爲當今無輩。

郭解少時陰賊感槩。又季布傳贊婢妾賤人感槩而自殺。非能勇也。

貨殖傳報強吳。刷會稽之恥。段會宗傳終更亟還。亦足以復雁門之蹠。註蹠隻。

蕭做清譽儉德。時所推服。常統戎爲番禺。有酌泉投香之譽。

盜謝趙咨曰。所犯無狀。干暴賢者。出後漢書。

後漢書朱穆銳意講誦。或時思至不自知。亡衣冠。顛隊阬岸。其父常以爲專愚。幾不知數馬足。

後漢書劉陶訟朱穆曰。誠以常侍貴寵。父子兄弟。布在州郡。競爲虎狼。噬食小人。故穆張理天綱。補綴漏。

目。羅取殘禍。以塞天意。

郭解其陰賊著於心本。發於睚眦。著音着。

地理志民俗質本。

明山賓嘗貨所乘牛。既售。謂買主曰。此牛經患漏蹠。阮孝緒歎曰。此言足使還淳反樸。激薄停澆矣。

唐書封倫善矯飾。人莫其膺肺。

晉書史疇肥大。時人目爲笨伯。笨字音盆。去聲。

遲頓不及事。頓音頓。鈍音鈍。

人事部二寵辱類

江革每朝會帝使虎賁扶持及進拜恒目禮焉註獨視之也

恐懼曰神藥形茹見魏都賦

又曰僂身屏氣張登

俯伏曰蛾伏揚雄

遭際曰變奇成偶王僧孺

魏都賦弛氣離坐怙墨而謝註怙墨面色變黑也

陳湯傳家貧匄貸無節

匡衡傳但以無階朝廷

韋玄成傳五世墮僚註墮空謂無官也

張敞傳把其宿負

劉晏傳爨無盛煙

宋意傳衍食他縣註謂旁食也

陳子昂集冥骨甘矣

光武雖制御功臣。而每能回容。宥其小失。回曲也。出馬武傳。

王仲宣詩。夙夜自憊性。註。歎息也。

辭隆從涼。出桓彬傳。

先游介紹也。猶言先容。出鄒陽傳。

常安民制策。重足側目。腹誹心喏。心喏。出爾雅。註。謂口不敢言而心竊鳴喏也。

魏明帝起土山於芳林園。使公卿羣僚皆負土。董尋疏曰。陛下既尊羣臣。顯以冠冕。被以文繡。載以華輿。所以異於小人。而使穿方舉土。面目垢黑。衣冠了烏。毀國之光。以崇無益。甚非謂也。註。方。穴土爲方也。了。烏。摧敝之貌。

柳文。鐫譙四至。音煎嚼。責詰也。

陸弘言漢帝宜誰差天下。求索賢人。禪以帝位。註。問擇也。

趙熹爲從兄報仇。值其病。釋之。仇皆臥自搏。註。叩頭也。

鄧隲貴戚傾時。無所下借。假借也。李充傳。

憲令寬賒。文禮簡闊。

榮華丘壑。甘足枯槁。黨錮傳論。

民庶窮困州郡累氣。屏息也。劉祐傳。

晉隱逸傳士女駢填車服燭路。

淮南子沐浴而抒溷薰燧而負蕘。註燒薰自香。楚人謂之薰燧。

胸罵腹詛。出昌言。

鍾離意上疏曰不勝愚戇征營罪當萬死。註不自安也。

排迕蹙迫也。出寶融傳。

竇憲率羌胡邊雜之師一舉而空朔庭而後世莫稱者。章末釁以降其實也。

中行說相漢使曰漢使無多言。顧漢所輸匈奴繒絮米糲令其量中必善美而已。註中滿也。量中者滿其數也。

鮑宣言董賢使奴從賓客漿酒霍肉蒼頭廬兒皆用致富。註視酒如漿視肉如霍也。諸給殿中者所居爲廬蒼頭侍從因呼爲廬兒。

季布傳贊曰夫婢妾賤人感槩而自殺非能勇也。其畫無俚之至耳。註俚聊也。賴也。

張湯奏事被譴摧謝。

焦氏易林有云解我曾春曾春。即詩所謂憂心如擣也。

戰國策甘茂與樗里疾爲質首之仇。質首者願以己首易人之首也。

大雅板篇云。民今方殿屎。殿屎音店希。民呻吟愁也。

陰興知衍貧。數欲本業之。

馮衍傳。

馬周疏云。貞觀初。率土霜儉。霜儉猶寒儉也。

又曰。脅肩彙足。猶懼不見釋。

又曰。方洋天下。註。方洋猶翱翔也。

人事部三言動類

懶放不勤事。曰蕭杌。見文選。閑暇所爲。曰以篤詠佐琴壺。見劉禹錫。

行役之勞。曰足繭手胝。劉夢得。

後漢書竇憲奪公主園。田帝出過園以問憲。憲陰喝不得對。註。猶噎塞也。

王敬則誘降劫賊。引神爲誓。必不相負。劫帥旣出。敬則於廟試會。曰。吾啓神。若負誓。還神十牛。今不得違。

誓。卽殺十牛解神。并斬諸劫。

張昭曰。言聲一放。猶拾藩也。過詞在前。悔其何追。

夏馥行質直。同縣高氏。蔡氏。皆富殖。郡人畏而事之。惟馥比門不與交通。註。猶並門也。

爾雅以事相屬累爲誣諉。

王青遇賊被矢貫咽音聲流喝郡守以青有金夷竟不能舉註喝一介反夷傷也。

高元海譖祖珽珽見帝自辨曰必元海譖臣帝弱顏不能毀註見人自羞者謂之弱顏毀作諱。

鹽鐵論言百戲之目有唐梯追人唐訓空莊子求馬於唐肆佛經福不唐捐是也唐梯今之上高竿是也。

追人追猶追琢今割截人易牛馬首。

澡手謂盥滌面謂類。

賈誼新書言有四術言敬以莊朝廷之言也文言有序祭祀之言也并氣折聲軍旅之言也言若不足喪

紀之言也。

張九齡善談論每與客賓議論經日滔滔不竭如下坂走丸也。

王嘉傳有案脈唐宮中以診脈爲對脈。

游雅云崔司徒得罪起於纖微詔旨臨責司徒聲嘶股栗殆不能言謂浩也。

宋范曄謀逆就刑於市妻罵曰身死固不足塞罪柰何枉殺子孫曄乾笑而已。

兩人立門內外語曰闔門而與之言出國語又曰踰閭而語出公羊傳闔者馬不出門之號。

光武令王霸至市中募人將以擊王郎市人皆大笑舉手邪揄之。

暴勝之躡履迎雋不疑躡音纒履不著跟也。

索遊以干索遊也。

曲禮記童子事曰負劍辟咎詔之鄭氏註曰負謂置之於背劍謂挾之於旁辟咎詔之謂傾頭與語口旁曰咎歐陽公瀧岡阡表曰回顧乳者劍汝而立於旁正用此義今廬陵石刻猶存或者不曉遂易劍爲抱可歎也。容齋隨筆

摩勒傳紅綃妓軸簾延客入軸簾言捲之如軸也。

水事淮南子九疑之南陸事少而水事多茶事皮日休詩序曰各補茶事十數春事唐詩春事無多櫻筍來。

硯北雜誌云今人不善乘船謂之苦船北人謂之苦車苦音庫今江南人有蛀船蛀轎之名不聞謂之苦蕭子恪諸弟並有文學嘗謂人曰文史之事諸弟備之矣不復煩吾牽率但退食自公無過足矣。

夢神曰趾離。出致虛閣雜俎

左傳臣有足疾君將背之背音蹙說文作𦏧音卻嘔也文選淡澈手足註灑滌也昌黎詩澈淡甘瓜濯琴賦留連瀾漫嗚噓終日嗚噓大笑也日磾奏廁心動註奏向也。

淳於髡傳。親有嚴客。舂鞬鞠脰。侍酒於前。註。舂音眷。收衣袖也。

北史。徐遵明聚徒教授。懸納絲粟。留衣物以待之。名曰影質。

漢臯詩話。豕字呼關切。頑也。劉夢得有杯前酒膽豕之句。

劉騰奸謀有餘。善射人意。

管子。毀訾賢者之謂訾。推譽不肖之謂讒。

趙后傳。武因問客。陛下得武書。意何如。曰。慳也。註。直視貌。

公羊傳。魯昭公跼然而哭。註。高聲也。

周禮。無感自夢曰噩夢。

呂太后酌鳩酒。令齊王爲壽。齊王起。帝亦起。欲俱爲壽。太后恐。自起反卮。反音幡。

蕭何多買田地。賤貴資以自汗。

齊文宣崩。魏收聞諱。掩淚失聲。陽休之嘖眉而已。人問。休之對曰。天保之世。魏侯時遇甚深。鄙夫以衆人

見待。佞哀詐泣。實非本懷。

龔壯詐稱耳聾。手不制物。註。若病風。緩然也。

燕公斌好畋獵。常懸管而八。註。管。城門管鑰也。

賈人田甲、張湯爲小吏，與錢通，註爲錢財之交也。

桓伊請一吹笛，人曰：「御府人於臣必自不合。」臣有一奴，善相僂串。

周師援高仲密，蓐食乾飯，及至，皆喉爛，謂渴也。

齊神武對尉景及常山君杖文襄，常山君泣救之，景曰：「小兒慣去放，使作心腹，何須乾啼溼哭，不聽撻耶。」蕭何爲主吏，主進，陳遂與宣帝博，數負進，帝後詔云：「可以償博進矣。」

曹丘生數招權，顧金錢，事貴人趙談等，與竇長君善，劉攽曰：「招權謂招權歸己也，顧金錢謂志在金錢也。」余朱榮見沙彌重騎一馬，謂兩人共一馬也。

揚子謬言敗俗，謬好敗則謬，音迂，妄言也。

梁冀能意錢之戲，註云：「卽攤錢也。」杜詩：「長生三老長歌裏，白晝攤錢高浪中。」攤錢，蓋博云。

白打，蹴鞠戲也。兩人對踢爲白打，三人角踢爲官場。王建宮詞：「寒食內人常白打，庫中先散與金錢。」猛虎之猶與，不如蠶蠶之致菴，註：「菴，毒也，呼各反。」

石勒語李陽曰：「孤往日厭卿老拳，卿亦飽孤毒手。」杜子美義鶻詩：「巨額圻老拳。」

思玄賦：「斟白水以爲漿，刺音拘，挹也。」

帝與隗囂書曰：「自今以後，手書相聞，勿用人解構之言，註猶閒構也。」

孟浩然詩。偃曝蘭棧。日周旋。偃曝。謂偃臥曝背也。

柳子厚萬年令裴府君墓碣云。飲酒甚少。而工於糾一作譎。謠舞擊粿。織屑促密。皆曲中節度。註。粿。亦歌

也。詩。或歌或粿。

人事部四身體類

宣髮。白髮也。考工記註云。頭髮顛落曰宣。亦可言蒜髮。本草。蔓菁子壓油塗頭。能變蒜髮。

臙鼻。酒刺也。宋前廢帝常罵武帝為臙奴。

慍羝。腋氣也。

譏人無鬚曰潞涿君。見蜀志。

忱攸。耳不聰也。尚書大傳。禦聽於忱攸。

山偉臨元順喪。悲慟無已。既還。莊帝怪其聲散。

武太后齒落更生。李嶠賀表曰。臣聞易有四營。金牙為壽考之象。詩有六義。玉齒載神仙之謠。還年而輔

車不虧。卻老而瓠犀仍出。一作唐類表。載李近仁。

韓詩有美一人。碩大且饒。註。重頤也。

齷。楚去聲。曾茶山餉柑詩。莫向君家樊素口。瓠犀微齷遠山顰。

考工記弓人註曰。臚亦黏也。音職。今婦人髮有時爲膏澤所黏。必沐乃解者。謂之臚。正用此字。

人事部五凶喪類

公羊傳註云。天子有疾稱不豫。諸侯稱負茲。大夫稱犬馬。士稱負薪。筆乘云。茲。生草也。古人以茲爲年。言年老有疾也。又云。史記註。茲。蓍席。蓋言有疾而負蓍。如所云伏枕是也。

未幸梓宮。帝崩未殮也。

吳王傳。身有內病。猶言暗病也。

淮南王傳。太子自刑。不殊。註。絕也。

病須保攝曰禁內。出外戚傳。病而能食曰安穀。出淳于意傳。

冤死者曰枉魄憤。齧。出劉賈傳。

無急去藥。以待不詳。出華佗傳。註。去藥。謂藏藥也。

公羊傳。不及時而葬曰渴葬。又左傳。葬鮮者自西門。註。不以壽終曰鮮。音仙。

文選。蜃衛驚輅。皆天子柩車也。又望蜃綽而攀標。拜龍敢而慟絕。

左傳。陽虎載蔥車。註。喪車也。

謝方明。值孫恩之亂。合門遇禍。資產無遺。而營舉凶功盡力。

王肅歸。魏文詔曰。肅丁荼。越世志等伍胥窮踰再期。蔬糲不改。有司依禮喻之。爲裁練禫之服。公羊傳。子路亡。子曰。天祝予。註。祝。斷也。世說。羊孚卒。桓玄與羊欣書曰。賢從情所深寄。暴疾而隕。祝予之歎。如何可言。

茂陵富人以數千萬陰積。貯炭葦諸下里物。昭帝大行時。方上事暴起。田延年奏沒入之。方上壙中也。魏文帝爲壽陵作終制曰。禮。國君卽位爲椁。存下忘亡也。註。天子諸侯之棺。各有重數。棺之親身者爲椁。安陵曰。萬歲夜願以身試黃泉。虜螻蟻人臣不敢斥言。故曰夜。或作後非。

通鑑。憲宗厭代之夕。厭代猶云上昇也。本用莊子厭世語。以文皇諱。故云代。二字亦新。張湯調茂陵尉。治方中。註。天子卽位。豫作陵。古者謂掘地爲阬。曰方。

斥上壙墓也。

皆出漢書。

後漢書。賜以東園祕器。銀鏤黃腸。玉匣。註。棺以銀鏤之。以柏木黃心爲槨。曰黃腸。漢書。以渭城壽陵亭部原上爲初陵。註。元帝所置陵也。未有名。故曰初。

秦王陵中。以犀象爲樹。以鯢膏爲燈。

凡病少愈而加劇。謂之不樹。呂居仁詩。記我今年病不樹。

成帝紀。民爲水所流死。不能自葬者。令郡國給椁。槨葬埋。註。小棺也。

朱建母死。辟陽侯奉百金稅。註。贈終者之衣被曰稅。

戰國載引王季葬渦山之尾。藥水齧其墓。見棺前。和今人呼棺前後爲和本此。

永嘉末。盜發齊桓公墓。得金蠶數千簿。陰鏗詩。金蠶詎可織。秦始皇墓中。水銀爲鳧雁。杜詩。銀海雁飛沈。

道路。皆舉音以過喪。舉音哭。須過乃止。

柳子厚請聽政表。爰及宅憂。迨茲累日。而孝思罔極。尙輟乃雍之言。庶政未釐。頗缺如絲之命。書高宗諫閏三年不

言音乃雍。

人事部六衣服類

唐史。王凝及第。袂衣見崔彥昭。袂衣。便服也。

唐詩。粉光深紫膩。肉色退紅嬌。又龍腦香調水。教人染退紅。疑卽今之粉紅也。

古樂府云。愛惜加窮袴。防閑託守宮。上官后傳。宮人使令。皆爲窮袴。多其帶。註曰。窮袴有前後檔。不得交

通也。

輕容。方空。皆薄紗也。元微之有寄樂天輕容詩。王建宮詞。嫌羅不著愛輕容。王荊公詩。春衫猶未著方空。

馬太后賜諸貴人白越三千端。註。越布也。

桑葢。淺黃色也。出晉時童謠。周官註。有麤麤字。唐人多用之。或指衣。或指柳。亦淺黃色也。

董偃見武帝綠幘傳韞。

辛紹先丁父憂三年不櫛沐髮遂落盡常著垂裙阜帽更始諸將服婦人衣諸于繡襦註諸于大掖衣也。

襦續漢書作襦音其物反于諸于上加繡襦如今之半臂也。諸于升菴作諸于。

沈約文積絲成彩散繭騰花言女工之妙也。

禮景衣女嫁時在途衣也。

禮樂志曳阿錫註阿細繒錫細布也。

石奮傳取親中君廁諭註中裙若今之中衣廁諭若今之汗衫也。

朱博傳功曹官屬多褒衣大詔註詔音紹大袴也。

人事部七飲食類

國語稻蟹不遺種三國志袁術在江淮取給蒲贏劉玄傳饑饉掘鼻此而食之劉守光攻滄州人食墻塊。

熊極肥爲消熊鹿以倍料精養爲棧鹿。

小截山蕓爲玉杵羹黃雀脂膏爲金縣鮓吳淑詩曉羹沈玉杵寒鮓疊金縣。

東昏侯喪潘妃之女闍豎共營餽羞云天解菜天解菜者猶今云開葷也。

享有體薦宴有折俎凡享半解其體而薦之宴則體解節折升之於俎。

南史大官進裏蒸。今之角黍也。宇文讓置毒糖餠。今之元宵子也。

藏魚鮮也。幽菽豉也。見說文。

桓玄待客有寒具。齊民要術曰。寒具。今之環餅也。劉禹錫寒具詩。纖手搓來玉數尋。碧油煎出嫩黃深。夜來春睡濃於酒。壓扁佳人纏臂金。則似今之餛子矣。

夏日供帳飲食處曰冰廚。見越絕書。四月十五以後。謂之櫻筍廚。見歲時記。

何曾有安平公食單。韋巨源有燒尾宴食單。段文昌有食經五十卷。鄒平公食憲章。庖榜曰煉珍堂。在途曰行珍館。虞惊有食方。謝諷有食經各十卷。孟蜀食典一百卷。文昌有老婢。名膳祖。四十年閱百婢。僅九婢可嗣法。沈亞之謂之鼎娥。王績謂之竈妾。曹公兵法。謂主炊者爲炊子。宋仁宗云。吾屢顧不見鐐子。蓋指庖人也。

北史穆崇微服入賊營。爲春妾所識。

謝人饋食曰豐餽。曰芳飣。

食之儉曰三弋五卯。食之奢曰四簋八瑚。

風胎。雨霰。水鶴。雲鶴。皆言食品。上出揚雄蜀都賦。下出徐幹齊都賦。

澁鼻香粳。都廣膏稷。皆言米。上出文選。下出山海經。

張孝忠遇災。與其下同粗淡。曰膳裁豆。醋而已。豆腐亦名菽乳。

楚詞招魂篇曰。粃粃密餌。有餛飩些。註云。餛飩。餛也。

鄭康成註周禮。有荊州之羞魚。揚州之蟹胥。釋曰。蟹醬也。山谷詩。蟹胥與竹萌。乃不羨羊羶。

成帝紀。其後幸酒燕樂。註。好酒也。

陶詩。且盡杯中物。唐詩。翠物喜盈斟。翠物字奇。

董賢侍帝宴。上有酒所。視賢笑曰。吾欲法堯禪舜。何如。

同宴會曰共駢筵。出文選。

預筵曰齒筵。

駢酪。餠餠。皆指酥也。

懶婦魚油。謂之饑燈。密謂之螿乳。

藝文類聚束皙餅賦。有牢丸之目。蓋食具名也。酉陽雜俎有籠上牢丸。湯中牢丸。卽今之湯餅也。東坡詩

用爲牢丸具。誤。

飲之美曰泉液。露英。食之美曰山膚水象。上出白虎通。下出隋志。

天爵。蚶子也。

王晉卿一帖云。瀑釀四器納上。以瀑釀酒亦奇。

郭解弟子負解之勢。與人飲。使之醕。非其任。彊灌之。註。盡爵曰醕。

糟曰酒骨。出孟蜀
食典亦曰酒滓。出左
傳

觴政。酒令也。酒糾。監令也。亦名甌宰。亦名觥錄事。唐人呼妓為錄事。以此。出元稹
集大戶。席間健飲客也。出
白

樂天
集

王悅每醉。連日不醒。自號上頓。時人以大飲為上頓。

衛元規酒後。忤丁僕射。以書謝曰。自茲囚酒星於天獄。焚醉日於秦坑。

煎茶初滾曰蟹眼。漸大曰魚眼。故俗以未滾曰盲湯。

散似甘露。凝如割肪。冰鮮玉潤。髓滑蘭香。郭珍蜜
賦

古者一國嫁女。同姓二國媵之。儀禮有媵爵。謂先飲一爵。二爵從之也。

陸羽茶經言。茶有九難。陰采夜焙。非造也。嚼味嗅香。非別也。膏薪庖炭。非火也。飛湍壅潦。非水也。外熟內

生。非炙也。碧粉縹塵。非末也。操艱攪邊。非煮也。夏興冬廢。非飲也。膩鼎腥甌。非器也。

張又新煎茶水記。粉槍末旗。蘇蘭薪桂。陸羽茶經。育華救沸。皆奇俊語。

丹鉛錄。醋首酒也。醕尾酒也。

國語。王公立飲。則有房烝。註。禮之立成者爲飭房。大俎也。謂半解其體。升之房也。禮記。母嚙羹。犬獸也。

國語。觥飯不若壺餐。觥。大也。謂盛饌也。言不若壺餐之救饑。

梁元帝徐妃嗜酒。多洪醉。

埤雅。述蕩之擊雋。鷗之翠。味之美者也。雋。鷗鳥名。述蕩。獸名。

魏都賦。悻悻醞醞。酣滑無譁。註。悻悻。和悅貌。能者飲。不能者止。曰醞醞。滑。樂也。

劉孝綽謝肉啓。味過淪鳳。珍越屠龍。

周禮。掌國之水禁。幾酒。謹酒。註。幾酒。察其沈湎。謹酒。戒民節飲也。

吳筠餅說。細似華山之玉屑。白如梁甫之銀泥。

洛岳略。陳無咎宴客。一客用一侍兒典斟。必十二斟而後引滿。


春秋緯。酒者乳也。王者法酒旗以布政。施天乳以哺人。

儀禮。寡君有不腆之酒。請吾子與寡君須臾焉。古者樂不喻辰。燕不移漏。故聘禮速賓。皆稱須臾。

宋景文詩。蟹美持螯日。魚香抑鮓天。用楊淵五湖賦。連鮓抑鮓。

鸚鵡。猩脣。豹胎。象節。

豪家宴客。不設几案。令妓手執以進。謂之軟盤。
健啖者謂之肉磨。



表異錄卷十一

國制部 總載

谷永曰。以次實行。固執無違。漢書。孝明皇帝大孝無違。奉承實行。謂一皆遵奉也。

漢循吏贊。國之誕章。註。誕。大也。謂憲典之大者。

漢宣詔曰。令甲。江充傳。著令乙。章帝詔云。令丙。

唐制。日未明七刻。槌一鼓爲一嚴。未明五刻。槌二鼓爲再嚴。未明二刻。槌三鼓爲三嚴。

平帝詔天下女徒。已論歸家。顧山錢月三百。註。女徒論罪已定。並放歸家。當於山伐木。聽使入錢顧工直。

故謂之顧山錢。

唐人奏事。非表非狀。謂之榜子。亦曰錄子。宋謂之劄子。飲章。匿名文書也。見蔡邕傳。刊章。刊落姓名而下。

其章也。見黨人傳。

高歡立法。盜私家十備五。盜官物十備三。後周詔。侵盜倉廩。雖經赦免。徵備如法。備。音裴。償補也。今作賠。

義同。而俗從備爲古。

後漢書列傳。廢置事重。誠聖恩所宜宿留。註。停留也。

開以丹青之信。言聖人之言。明若丹青。

唐書。規影徭賦。卽今律文影射語。

劉熙釋名曰。過所至關津。以示之張宴。註。漢紀關傳云。傳信也。若今過所者。卽行路文引也。終軍棄繻。則裂帛以爲合符也。

晉帝批奏書。諾字之尾如鳳尾。故謂鳳尾諾。皮日休蘇東坡詩皆用之。諾者。猶言制可也。或作詔。非。

高后紀。列侯幸得賜餐錢奉邑。註。餐錢。賜廚膳錢也。後漢書詔徵劉平。特賜辦裝錢。

竇融與大軍會。先遣從事問會見儀適。註。儀注也。

羅希奭自青州如嶺南。所過殺遷謫者。排馬牒至宜春。李適之自殺排馬牌牒。如今起馬牌是也。

表異錄卷十二

職官部總載

翟義傳。旅力同心。註。旅。陳也。

史丹傳。曠貴最久。註。言居非其位。是爲曠官。故云曠貴。

申屠嘉死。陶青等爲丞相。躡躡廉謹。備員而已。

韋賢傳。豈不牽位。註。言豈不戀此爵位。

崔烈入錢五百萬。得爲司徒。及拜日。天子臨軒。百僚畢會。帝顧謂親幸曰。悔不小靳。可至千萬。

哀帝紀。詔博士弟子。父母死。子寧三年。

又帝雅性不好聲色。時覽卞射武戲。註。手搏爲卞。角力爲武。戲也。甘延壽試卞爲期門。

江充發兵入丞相府。是時上避暑甘泉宮。丞相長史。乘疾置以聞。

終軍傳。軍無橫草之功。得列宿衛。註。行草中。使草偃臥也。

賓退錄曰。三司副使曰籛。通判曰倅。禮有副車倅車。左傳。孟僖子使泉丘人女助蘧氏之籛籛。倅。皆副貳

之稱。樓官獻序向侍郎集云。擢之戶籛。

張步令王閔關掌郡事。註。關。通也。

唐人以禮部員外爲中儀。主事爲小儀。

宋世以紫薇舍人爲小鳳。翰林學士爲大鳳。丞相爲老鳳。

唐制。兩省供奉官東西對立。謂之蛾眉班。

漢人入仕。有以貲爲郎者。司馬相如。張釋之也。有入錢入穀賞以官者。卜式。黃霸。是也。入錢穀。則今買官之類。以貲則非也。

漢書。遣無害都吏。案訊諸囚。註。無所枉害也。蕭何以文無害爲沛主吏掾。文選。文而無害。

孔融爲治。但能張磔網羅。而目理甚疏。

許營上疏曰。今臺府局吏。直衛武官。及僕隸婢兒。取母之姓者。本無鄉邑品第。皆得爲郡守縣令。註。官婢私合生子。不知其父。取母之姓爲姓。

宋武帝凡選授誅賞大處分。皆與戴法興。巢尚之。參懷。註。謂參決機務也。

北魏李神儻請治選部。余朱榮嘗關補曲陽縣令。神儻以階懸不奏。註。關補者。先補授而後關吏部。階懸。言階級和懸絕。

平帝紀。置少府海丞。果丞。各一人。註。海丞。主海稅。果丞。掌諸果實也。

百官表。射聲校尉。掌待詔射聲士。註。工射者也。冥冥中聞聲則中之。因以名也。

掌漏官曰壺郎。

書云尸位。詩曰素餐。南君謂之荒飽。吳起謂之枝官。

衛綰以戲車爲郎。鹽鐵論。戲車鼎躍。咸出輔史。累功積日。或至卿相。鼎躍。東方朔所謂鼎官。鄒陽所謂鼎士也。

尙書爲喉舌。亦有稱喉唇者。文選。獻替帳辰。實掌喉唇。

漢元帝時。置戊己校尉。使屯田車師故地。註。戊己校尉者。鎮安西域。無常治處。亦猶甲乙等各有方位。而戊與己四季寄王。故以名官也。

況今朽老。而居帝難之任。崔亮辭吏部語。

天子封去病裨將。鷹擊司馬。趙破奴爲從票侯。官與封皆奇。

唐幕府官俸。謂之鶴料。皮日休詩。酒坊吏到常先見。鶴料符來每探支。宋曾彥和詩。寧羨一囊供鶴料。會看千里躍龍媒。

劉昫生上書曰。章交公車。人滿牝軍。朝臣舛午。膠戾乖刺。更相讒愬。轉相是非。所以營惑耳目。感移心意。不可勝載。註。漢儀注。上章於公車。有不如法者。付牝軍尉以法治之。

陳琳爲袁紹檄曹操曰。操又置發丘中郎將。摸金校尉。所至墮突。無骸不露。東坡詩。餘有中郎解摸金。選曹授官。先列舊官。次書擬官。使新舊相銜不斷。故曰官銜。出孔平仲談苑。

閱閱。顏師古曰。閱。積功也。閱。經歷也。

彭城王義康。於尚書中覓了了令史。得戴法興等。

古呼治獄參軍爲長流。帝王世紀云。少昊崩。其神降於長流之山。於祀主秋。秋官司寇主刑罰。故取秋帝所居爲嘉名也。

柳文。轉喉觸諱。本漢食貨志。搖手觸禁之語。

讒夫貝昌。忠臣籥口。

劉陶疏曰。羣小競進。秉國之位。鷹揚天下。烏鈔求飽。

齊雞開府。衛鶴乘軒。言濫爵也。

杜喬疏曰。梁氏一門。宦者微孽。並帶無功之紱。裂勞臣之土。

王播拜諸道鹽鐵使。許少連賀啓云。擷金煉玉。束雪量珠。

六朝稱府幕曰府端。州幕曰州端。節度幕曰節端。憲司幕曰憲端。南史。陸徽九綜州綱。三端府職。

袁聿修爲吏部尚書。素品孤官。頗有怨響。

許汜、王楷、謂袁術曰：明上今不救布，爲自敗耳。布破，明上亦被也。時術稱帝，故稱之爲明上，字甚奇。

唐稱太守曰節下，又云鈴下，又曰第下，又曰門卒，亦稱鈴下。吳志：吳範使鈴下，以聞鈴下不敢。

唐人稱縣曰明府，漢人謂之明廷。見張儉傳。

臺中僉聚，則侍御史於座南設橫榻，號南牀。又曰癡牀，言登此牀者，倨傲如癡也。

靈帝時賣官，當之官者，皆先至西園諧價。

薛大鼎、鄭德本、賈敦頤，皆有治名。河北號鑄腳刺史。

王弘義微時，求旁舍瓜，不與。旣貴，騰言園有白兔，捕逐，畦蔬無遺。李昭德曰：昔聞蒼鷹獄吏，今見白兔御史。

韋表微曰：吾年五十，拭鏡搯白，冒遊少年閒，取一班一級，不見其味也。

唐竇申，參族也。參親愛之，每除吏多訪申，申輒以報士大夫，市恩私，所至，人目之爲喜鵲。

楊震傳：宜絕橫拜，以塞覬覦之端。

張奐曰：吾前後仕進，十要銀艾，註銀印綠綬也，以艾草染之。

陳頴遺王導書曰：中華所以傾弊者，正以取才失所。先白望而後事實，註白望，虛名也。

許惇爲司徒主簿，以明斷見知，人號八鐵主簿。

馬融因兄子喪。自劾歸。太后謂融羞薄。詔除。遂令禁錮之。

郭弘霸請討徐敬業。言臣誓抽其筋。食其肉。飲其血。絕其髓。時號四其御史。

張宗等傳論曰。若夫數將者。並宣力勤慮。以勞定功。而景風之賞未甄。膚受之言互及。以此而推政道。難乎以免。註。景風至。則行賞甄明也。

民用溫給。出後漢張禹傳。

今人以鷹犬爲詈語。後漢張表碑曰。仕郡爲督郵鷹撮。盧擊直以爲頌語。

五代吳越僂元瓘之子鎮永嘉。民以悅慕。後移鎮姑蘇。溫人有攜家屬以從者。謂之隨使戶。郡國守銅虎符銀錯書。


兒寬爲左內史。收租稅時。裁闊狹。與民相假貸。註。闊。謂征斂稍寬。禁防疏闊之時。狹。謂督促急迫之時。闊時不急。征收。假貸與民。使營生業。

墨旨。州縣教條也。

楊於陵爲浙東觀察使。歲饑。出米三十萬石。拊贍貧民。義縱以鷹擊毛摯爲治。

狗吠不驚。足下生鬣。魏郡人歌太守岑熙語。鬣。長毫也。

梁彥先爲相州刺史。百姓呼爲戴帽錫。言其柔軟也。載通鑑
國語。王待戎翟有舌人註。象背之官也。今通事。作者。



表異錄卷十三

刑法部總載

光武得吏牘上書詰吏由趣註由從也趣向也問是書從來與意所向也。

范曄謀作亂密相署置素所不善者並入死目。

范曄事露帝詰問曄曄猶隱拒熙先聞之笑曰凡處分符檄書疏皆范所造云何於今作如此抵蹋耶。

沈佺期觀赦詩聖人宥天下幽籥動圓狴。

周禮公族有大辟則磬於甸人註縊殺之曰磬甸人掌野官言不於朝市也。

周禮地官閭胥掌釡撻之事註釡撻者失禮之罰以釡爵罰之也。

刑法志漢書俗已薄而行堯舜之刑是猶以鞭而御駢突也。

左昭芋尹無字曰昔先君文王作僕區之法曰盜取隱器與盜同罪僕區刑書名僕隱也區匿也作爲隱

匿亡人之法。

戴胄諫太宗曰陛下登殺之非臣所及既屬臣敢虧法乎登殺猶言登時殺也。

漢書烏乎史遷薰胥以刑薰胥猶言淪胥言遷因坐李陵橫得罪也。

肅宗紀。紹曰。自往者大獄也已來。掠考多酷。鉗鑽之屬。慘苦無極。鉗其廉反。南史。梁代測囚之法。日一上。起自晡鼓。盡於二更。周弘正議。測人時節。本非古制。起自晡鼓。迄於二更。豈是常人所能堪忍。

凡叛臣既誅。乃汚其宮而瀦焉。名曰凶墟。

周禮地官。凡男女之陰訟。聽之於勝國之社。註。陰訟。爭中冓之事。以觸法者。

王溫舒少時。椎埋爲姦。註。椎。殺人而埋之也。

盜竽。言盜之倡也。竽者。五音之長。

寇榮疏曰。尙書不復質。確其過。寘於嚴棘之下。註。質。正也。確。實也。嚴棘。獄也。又曰。罰及死沒。髡剔墳墓。又曰。滯怒不爲春夏息。淹恚不爲順時息。

薛安都欲殺庾淑。柳元景謂曰。卿往與手甚快。張彪令韓武殺趙積。亦曰。可與手。與手。猶言與毒手也。六朝人有此論。齊神武欲杖崔暹。亦曰。須與苦手。

谷永傳。多繫無辜。掠立迫恐。註。掠。笞服之。立。其罪名。

朱雲傳。丞相部吏。考立其殺人罪。註。立。成也。

趙皇后自縊。註。自縊也。

北齊文宣好殺。每行有司預以死囚從。當時謂之供御囚。
貫高乃輜車膠致。與王詣長安。註膠致者。膠當不得開。致送京師也。
危章互簡。皆法官。

酷吏傳論曰。至於重文橫入。爲窮怒之所遷及者。亦何可勝言。
左傳。置諸深室。賈誼傳。造請室而請罪。皆獄也。

瘵死。饑寒而死也。

如其無功。分受憲坐。

范百祿曰。牽牛以蹊田而奪之牛。此王安石鷓鴣獄也。謂相牽引以入。

捕盜未足。曰捕弗滿品。出成宣傳。

賊魁曰偷長。出張敞傳。

盜藏避曰穿窺草石。

慘文峭詆。楊國忠傳。

歐公詩。由來獄吏少和氣。臯陶之狀如削瓜。困學紀聞以爲司馬公詩。

周亞夫下吏。吏簿責亞夫。註書之於簿。一一問之。

楊惲下廷尉。廷尉考問。左驗明白。註左證左也。言當時在其左右見此事者也。

銀鑑大鎖也。作銀鑑者。謬。出後漢書。

嚴延年按大姓高氏獄。吏皆股弁。註股戰若弁。弁謂撫手也。

高祖七年。令郎中有罪。彰已上請之。註輕罪不至於髡。完其彰鬢。故曰彰。古從三。髮膚之意也。

北史。河陰縣有大枷。號曰彌尾青。宋翻爲令。有內監詣縣請事。辭色不遜。命取尾青鎖之。威震京師。

敬羽作巨枷。號勸尾榆。出唐書。

前漢有若盧獄。漢舊儀曰。主鞠將相大臣。

漢書。詔曰。今大辟之刑。千有餘條。律令煩多。百有餘萬言。奇請它比。日以益滋。註奇請。謂常文之外。主者

別有所請。以定罪也。它比。謂引他類以比附之。

陳寵爲廷尉。鈎校律令條法。溢於甫刑者。除之。註呂侯後爲甫侯。故或稱甫刑也。

耐掠隱抵罪人耐笞掠不肯伏也。見魏志胡質傳。

高帝使泄公持節。問貫高。篋輿前。註編竹爲輿。高時榜笞困頓。故以篋輿處之也。又公羊傳。笱將而來。

薛宣傳。披挾其閨門而殺之。註披發也。挾挑也。

能察吏奸。曰橈柅姦冒。唐王彥威傳。


淮南王傳。舍匿者。論皆有法。註謂容止而藏隱也。

王伽謂囚李參等曰。卿輩自犯國刑。身嬰繯繼。固其職也。重勞援卒。豈不愧心哉。註。援送之卒也。趙忠等言。呂強見召。未知所問。而就外草自屏。有奸明之註。謂在外野草中自殺也。

索元禮鞫囚。作鐵籠鑿囚首。加以楔。至腦裂死。

來俊臣作羅織經一篇。具爲支脈綱由。按以從事。

耿恭傳贊曰。蘇君恩不及嗣。恭亦終填牢戶。追誦龍蛇之章。以爲歎。蘇君謂武。恭以罪下獄。故云。



表異錄卷十四

錢幣部總載

貨殖傳丹王君房。鼓樊少翁。王孫大卿。爲天下高訾。註王君房賣丹。樊少翁。王孫大卿。賣鼓。亦致高訾。楊崇禮在太府。每歲句馭省便。出錢數百萬緡。註句者。句考其出入。馭者。按文籍有並緣欺弊。則馭異之。省者。節其冗濫。使者。貿遷。各隨其便。以取贏。

豆盧嘗以手書便省庫錢數十萬。註俗謂借錢爲便錢。三國志吳王守陽羨。長有所私。用策或料覆功曹周谷。輒爲傳著簿書。使無譴問。王時悅之。後統事不用也。料覆。重校也。策。孫策。紫紺。錢名。金監。寶治。鑄錢之所。

鹽鐵論山海者。財用之寶路。

樊顯曰。前公孫述破時。珍寶山積。捲握之物。足富十世而堪。去職之日。乘折轅車布被囊而已。出張堪傳。漢書西域傳。罽賓國以金銀爲錢。文爲騎馬。幕爲人面。註幕。音漫。錢背也。

詩。鋒革有鶴。註金飾貌。今之金工有名餞金者。本此。

陶隱居謂金經在丘冢及爲洩器者。謂之辱金。不可合鍊。

蜀都賦。賈貿帶鬻。貯曰帶。販曰鬻。食貨志。商賈帶財役貧。

靈帝紀。豪右辜權。註。辜。障也。權。專也。謂禁阻餘人買賣。而自取利也。

文選。鄉邑殷賑。音隱軫。富饒也。

蜀都賦。藏鏹巨萬。鈔規兼呈。謝靈運山居賦。銅陵之奧。卓氏充鈔規之端。註。裁木爲器曰鈔。裂帛爲衣曰規。

東哲書。稽我王委。充我民食。委。積也。

樊儵傳。河南縣亡失官錢。典負者坐死。

周禮天官。家削之賦。削。家田也。

楊震謂財貨上流。爲朝結譏。註。猶言結怨也。

南人呼象牙爲白暗。犀爲黑暗。以其難識別也。杜詩。黑暗通蠻寶。

割匿。出水經註。乾沒也。

表異錄卷十五

藝文部總載

劉得仁上從兄詩。猶祈啓金口。一爲動文權。又海錄詩權。出薛許昌。

陸機閱史。尙靡識於撐犁。枚臯屬文。猶自成於飢馑。

岑文本命吏誛筆口占。

杜牧謂李賀歌詩。如鯨吐鼉擲。牛鬼蛇神。

景龍文館記。薛稷知集庫。馬懷素知經庫。沈佺期知史庫。武平一知子庫。

思玄賦。御六藝之珍駕兮。游道德之平林。結典籍而爲罟兮。驅儒黑而爲禽。

後魏闕駟。經史百家。寓目成誦。時人謂之宿讀。

余知古書。勤逾抱犬。博擬食雞。

漢儒釋經。易有略。書有故。詩有細。春秋有微。

司馬溫公有書萬餘卷。自言天氣清明。卽設几案。側羣書其上。以暴其腦。所以歲久不壞。至啓卷看竟。一版卽側右手大指面襯其沿。而覆以次指面。然而挾過。故得不至揉熟其紙。

趙松雪書跋曰。勿捲腦。勿折角。

漢書。陳遵善書。與人尺牘。皆藏弄以爲榮。弄音舉。藏也。

承書夾曰書櫥。出杜篤賦。

勤學自忍。曰寒膚。嗛腹。

極思爲文。曰涸思。乾慮。

柳子厚答人寄筆詩。貯雲含霧到南溟。謂筆未經用也。

章衡歷運序曰。古今歷運十餘家。皆淺陋擅釀。陳振孫太常因革錄跋云。繁簡失中。以擅釀目之。

文選。縱詞源於月徑。披翰藪於雲扃。

司空圖與王駕書。吾適自編一鳴集。且撐霆裂月。劫作者之肝脾。亦當吾言之無怍也。

相如含筆而腐毫。揚雄輟翰而驚夢。桓譚疾感於苦思。王充氣竭於思慮。張衡研京以十年。左思練都以

一紀。

劉臻精於兩漢書。時人稱爲漢聖。唐衛大經遂於易。人謂之易聖。

李揆爲禮部侍郎。病取士徒露搜索。禁所挾。而迂學陋生。莊枕圖史。且不能自措於詞。乃大陳書廷中。進

諸儒曰。可盡所欲言。

謝安優游山水。以敷文析理自娛。

倪若水藏書甚多。借者先投束修羊。

柳家新揀元和腳。今人稱所寫字爲筆腳。蓋本此。

莊子曰。人而不學。謂之視肉。學而不行。命之撮囊。

宋初進士所習。有何論一首。何論者。如三傑佐漢孰優。四科取士何先之類。

咫尺之書。未通籤室。

東萊啓。

張升少好學。多關覽。而任情不羈。註關涉也。

篆書如一二三字。謂之積畫。如星字圈中加點。謂之注中。

水涌蹶潑。火炫螢尾。言無本之學。

陸景典語云。綺縠紛披。宮徵靡曼。唇吻適會。情靈搖蕩。皆言爲文也。

梁簡文與湘東王書曰。徒以煙墨不言。受其驅染。紙札無情。任其搖髮。甚矣哉。文章橫流。一至於此。

玄宗時文籍盈漫。皆始朽蟬斷。籤牘紛舛。馬懷素請召宿儒就校。

句讀。法華經作句逗。馬融長笛賦。都法於節奏。察度於句投。

徒關反。

晁以道詩。干戈難作牆東客。疾病猶存硯北身。段成式書云。杯宴之餘。常居硯北。又云。常流硯北。天機素

少。蓋言几案面南。人坐硯之北也。

吳祐諫其父欲殺青以寫書曰。此書若成。則載之兼兩。

李守素通氏姓學。世號肉譜。

人知糞其田。莫知糞其心。糞田不過苗利得粟。糞心易行而得其欲。何謂糞心。博學多聞。何謂易行。一欲

止淫。

御覽載孟
子語。

劉向別錄云。讐校書。一人持本。一人讀新。若怨家。故曰讐書。

道書曰蕊簡。佛經曰貝文。

魯直詩曰。李侯畫隱百寮底。畫隱二字新。

表異錄卷十六

仙趣部總載

武帝親禪高里祠后土臨渤海將以望祀蓬萊之屬冀至殊庭焉。註仙人之廷也。徐登趙炳以道術行但行禁架所療皆除。註禁術也。○趙炳故升茅屋梧鼎而爨主人驚懼而屋無損。註梧支也。懔忙也。

漢武帝外傳太上之藥有風實雲子金精玉液蘇詩散流一啜雲子白。

腦神曰覺元髮神曰玄華目神曰虛監鼻神曰冲龍玉舌神曰始梁道家目華池水曰癸穴庚渦。

許長史子名玉斧女名素同真誥稱瓊刃言玉斧也。

曹孟德樂府神仙金止玉亭道書云瑤思瓊想。

嚴君平註老子有云言爲禍匠默爲害工進爲妖式退爲嬖容。

桂葉龜腦固風寒之易銷荔葩鸞骨更飛騰之可僞荔葩寇先事見搜神記龜腦見列仙傳抱朴子云淳于解臚而理腦養生經云牧雲刮服沃雪回髡。

清異錄。藥有五天。決明爲肝天。紫菀爲肺天。神麴爲脾天。遠志爲心天。菴容爲腎天。
金碧經曰。神室者。丹之樞紐也。非世閒五金。其丹如成。狀若明窗塵。李太白詩。彷彿明窗塵。死灰同至寂。

表異錄卷十七

佛乘部總載

佛寺曰仙陀。又曰仁祠。又曰寶坊。又曰香阜。又曰柰園。袈裟名水田衣。又名稻畦帔。王維詩。乞飯從香積。裁衣學水田。王少伯詩。手巾花氎淨。香帳稻畦成。

四種僧。一有羞僧。謂持戒而未得道者。二無羞僧。謂破戒者。三啞羊僧。謂雖不破戒。鈍根無慧。若有僧事共諍。默然無言者。四實僧。謂住四果中。行四向道者。出大智度論。

佛法以樹藝自活爲下口食。以觀視天象自活爲上口食。以曲媚豪勢。通使四方。巧言多求。爲方口食。學種種咒術。卜算吉凶。自活爲維口食。出大智論。

塵網千重。密密常籠。意地愛繩。萬結條條。盡係情田。

隨他舌。似鸚鵡之徒。借彼眼。如水母之屬。以上弘明集。

應真羅漢也。天台山賦。應真飛鉤以躡虛。鉤。一作錫。東坡贈杜介詩曰。應真飛錫過絳澗。

酉陽雜俎。錦麝燈。謂繡佛也。

廣中僧謂有室家者謂之火宅僧。見番禺雜記。大相國寺僧。有妻則曰梵嫂。見清異錄。

有僧臨化書頌云。撞來好個寄生囊。

儒墨者。般若之笙簧。詞賦者。伽陁之鼓吹。

大乘小乘。逗根機而演教。半字滿字。逐權實而敷文。

佛以獨體之字爲半字。合體之字爲滿字。

山毫一其小。大彭殤均其壽。天筵楹亂其橫。豎施厲混其妍媸。

衍莊子語。

色見聲聞。俱能證果。花飛劍動。盡可棲神。

宗鏡錄列四種人。一生盲凡夫。執生死。二眇目一乘。執涅槃。三夜視小菩薩。執權乘。四羅縠別菩薩。執教道。

尼爲除饑女。

于闐國民。篤信多大乘學。威儀齊整。器鉢無聲。

表異錄卷十八

棲逸部總載

申屠蟠傳。昔人之隱。巢棲茹薇。

嵩山隱居。聯云。曙影張屏。掛清光於露壑。飛流界練。貫幽響於風湍。

羅曾崖於戶裏。列鏡瀾於窗前。因丹霞以頽楣。附碧雲以翠椽。

口腹之累。漸以石帆水松。寒暑之資。稍以荷衣蕙帶。

素煙晚帶。白霧辰縈。近循則一巖異色。遠望則百嶺俱青。

唐右補闕陸誇。題名在茅山。自稱麋鹿臣。嵩山有刻石幽林思。韓覃撰。自稱廬山林藪人。

謝澹與范泰。爲雲霞之交。

祝牧謂其妻曰。天下有道。我韞子珮。天下無道。我負子戴。

東坡謂晨飲爲澆書。李黃門謂午睡爲攤飯。陸務觀詩。澆書滿挹浮蛆瓮。攤飯橫眠夢蝶牀。

徐師川詩。頗知鶴脰緣詩瘦。早棄魚須伴我閒。魚須。笏也。

茨簷賤士。見晉書。葦菴漁父。見廣異記。

生柴然火曰櫛。山谷詩。炙背宵眠櫛。火嚼冰晨飯。薩波薺。

王無功曰。歌去來之作。不覺情親。詠招隱之詩。惟憂句盡。親一作疏。

羅含宅內。自有幽蘭數叢。孫綽庭前。惟對長松一樹。高窗納景。密樹栖煙。筵有丘中之琴。案多濠上之帙。

張祜詩。斫樹遺桑斧。澆花溼筍鞋。

田何年老家貧。茅居蒿牀。守道不仕。

廬山記。饒子卿隱居康王谷。無瓦屋。代以茅茨。每年易一茅。謂之屋龍更衣。

表異錄卷十九

技術部總載

許負相亞夫者、河內溫人。老嫗也。高祖封爲鳴雌侯。

安息國以善眩人獻於漢。註：眩與幻同。卽今吞刀吐火、植瓜種樹、屠人截馬之術、皆是。

梁武勸醫文云：夏六一於金液，改三七於銀丸。

巫覡號曰瑤貶。見本草。覡音隙。

金柯要訣。相書名。

方四聚五花六持七。見圍碁賦。

宋明帝好圍碁甚拙。與第一品王抗圍碁。依品賭劇。抗饒借帝曰：皇帝飛碁。臣抗不能斷。帝終不覺。

邯鄲淳藝經：擲蒲落坑塹。非貴采不出。

神異經：東黃公與玉女投壺千二百矯。矯音尻。矢躍出也。

圍碁兩無勝敗曰芾芾。縣免二音。

紺蝶、閨房媚藥也。

宋明帝好圍碁置圍碁州邑以建安王休仁爲圍碁州都大中正以王湛等小中正王無功圍碁長篇云魚鱗張九拒鶴翅擁三邊五木之戲其采十二其四爲玉采貴也其八爲珉采賤也

表異錄卷二十

通用部一駢語類

文選從整敦而度。高乎泰山。懷汎濫而測。深乎重淵。音毛頰軌檻。

郭璞客傲曰。青陽之翠。秀龍豹之委顛。駿狼之長暉。玄陸之短景。言著生於微。盛生於衰也。淮南子。冬至

日在駿狼山。

殷文圭啓。蟬聯兵艱。鹿獨江臯。

妝臺記序。北州才女。類妍面而呪桃花。東國王孫。舐矯痕而求獺髓。

左傳。君子蘊義生風。小人蘊利生孽。

致貴無漸。失必暴。受爵非道。殃必疾。

青牛帳裏。未輟鑪香。朱鳥窗前。新調鉛粉。柔之以辛夷甲煎。然之以桂火蘭蘇。李高謝臘日口脂面藥。柔一作採。高一作嬌。

是薰是葢。既失於協風。或籽或耘。載愆於零雨。

桃花森森。實類迷牛之津。竹箭滔滔。方比鑿龍之堰。水利。

杏花千畝。紺轅照磨曆之功。桑柘三宮。玄絨降親蠶之禮。籍田親蠶。

左太冲十年三賦。未必無瑕。劉穆之一日百函。焉能盡麗。

時師百年之學。旬日兼之。昔人千載之機。立談可見。楊炯稱王勃。

溪橫燕尾。巖豎龍頭。鍛野老之眞珠。掛幽人之明鏡。山腰半折。溜王烈之香膏。洞口橫開。滴嚴遵之芳乳。

王勃山亭宴序。

海日銜規。忽覺人間之曉。宮花剪綵。恍疑天上之春。元絳。

以結繩之化。行虞夏之朝。用象刑之典。理劉曹之末。言封建不可行。

秦之孤立。子弟爲匹夫。魏氏虛名。藩翰若囹圄。

獲玉鉤於山陽。空有採桑之號。陳金根於鈎盾。但爲弄田之游。賀勸農表。

流甘露於槐木。扇惠風於陳枚。言施恩於衰薄也。

文選。表龍章於裸壤。奏韶濩於豐俗。植橘柚於玄朔。帶華藕於修陵。尋靡莢於中逵。造沐猴於棘刺。言說

之妄而無稽也。

蘧瑗不以昏行變節。顏回不以夜浴改容。劉子。

細理弱肌。出呂覽。豐容靚飾。出漢書。

洪州娉婷市。五代鍾傳侍兒所居。畢少董謂可對温柔鄉。

徐君房年隨情少。酒因境多。

隆墀永歎。遠壑必盈。王弼易略例中語。

籠殮詎貴。釣餌難嘗。

離宮霧合。遙橫地乳之山。別館星開。上戴天眉之色。省中之樹。訪猶不言。車前之馬。數而後對。張九齡傳。

竺景秀嘗書於齊高云。當吞刀刮腸。飲灰洗胃。

倡臨帝席。酒勸天妖。晉孝武帝贊。

進大雅以樞近。退小人於閑左。蕭至忠疏語。

膏塗朔邊。骨糞沙壤。李邕妻請邕戍邊自贖疏。

起偃爲豎。化屍爲人。王朗語。

王融爲豫章王墓銘曰。半岳摧峯。中河墜月。

蒼雉奉職。靈囿自梁。邢子才橋事。

虹腰鯨背。同上。

翔友遠離。衍賓高會。

離穢除陳。宣芬散馥。香頌。出素問。

素滌玄灞

關中事

赤岸青溢

廬山事

甲乙之帳

漢書

庚辛之枋

馬融西第頌·蝦蟇吐寫·庚辛之枋

王元之表風摧霜敗芝蘭之性終香日遠天高葵藿之心未死劉元城表志存許國如萬折而必東忠以事君雖三已而無愠

耿直之守京口復陳少陽之後曰如可贖兮百身猶將宥之十世

呂成公代父倉部自黃州易守池州啓云爰考唐朝有杜牧把麾之舊其臨秋浦亦齊安解組之餘雖後先遷徙之偶同顧今昔風流之非匹

傅至樂上周益公啓云東門之柳自凋玄都之桃何在彼刀頭之舐蜜未得鎔銖況井眉之居瓶恍爲夢寐蓋指張說也

夏文莊表云詩會餘蜚之文簡凝含酖之墨餘蜚貝之有文者見毛詩箋筆銳于將墨含醇酖

出文心雕龍醇酖一

作淨

鳴蜩抱樹亟見藏冰歸雁銜蘆多歷寒食

松變爲枿。釋慧遠事。葱化爲茝。佛圖澄事。後漢書有蝗化爲蝦。循吏事。

碧鷄使者。部下時來。白鳳詞人。座中恒滿。蜀中事。

白月半牕抄。朮序。清泉一掬授芝圖。紫微夫人撰朮序。

骨弱可捲。肉滑若飴。同。

郊居賦云。陳局露初。奠爵星晚。

體輕蚊翼。形微蚤鱗。出小言賦。

運疹祚殫。出史記可對。數屯期盡。

鋒蝟斧塘。出柳文。

臺蜂樓蟻。

子有疏附。汝無後言。

庭奏歌鍾。坐延矯盼。

陽文與醜。蔑爭麗孟。陬與隴廉競妍。廣弘明集。

曾索秋千也。出涅槃經。儻緝今之軟索。出三國志。

古諺曰。力貴突。智貴卒。莊子曰。謀稽乎讒。讒音賢。急也。

王鉞引泉激雷。號自雨亭。楊國忠有移春檻。

命輕鴻毛。義貴熊掌。

江統傳贊。

重葩累繡。沓璧連璋。出屏風賦。言木之文理。

張融曰。鴻飛天首。越人以爲鼻。楚人以爲乙。鴻常一耳。

一作尸子云。鴻飛天首。高遠難明。楚人以爲鼻。越人以爲乙。鴻常一爾。一作張融曰云云。

說文。舜蔓。地連華。晉謂之菑。秦謂之蔓。

潘岳哀詩云。漼若葉落樹。邈若雨絕天。郭璞詩云。君若秋日雲。妾似突中煙。高下理自殊。一乖雨絕天。汪

彥章表云。生平慙直。不隨世俗於雷同。歲晚棲遲。乃望君門而雨絕。

宋孝武帝賦。想輕綦之往迹。史記。躡利屣。

晉庾峻曰。秦塞斯路。利出一官。雖有處士之名。而無列爵於朝者。商君謂之六蝸。韓非謂之五蠹。一作六

蠹。

北史。斛律金不識文字。初名敦。苦其難署。改名爲金。猶以爲難。神武令指屋角令識之。陸渭南詩。屋角明

金字。溪流作穀文。用此事也。

略略。曲名。白樂天有聽妓人彈略略詩。可對堂堂。

梁簡文帝觀燈賦曰。南油俱滿。西漆爭燃。蘇徵安息。蠟出龍川。斜暉交映。倒影澄鮮。註。蘇。香名也。

北魏元雍奏云。鹽池。天藏也。宋人四六。私鹽私茶。以天藏月團爲對。蓋本此。

慧日至夾山。山問與甚。廢人同行。云有個木上座。蓋謂杖也。坡詩。留我同行木上座。贈君無語竹夫人。左傳。涉於魚齒之下。註。魚齒。山名。呂氏春秋云。猛獸以尾爲旌。以角爲城。庚信哀江南賦。地平魚齒。城危獸角。

應璩詩。九州相錯雜。相次如馬齒。韓文公詩。候館若魚鱗。宋人四六云。州疆馬齒。候館魚鱗。

帷簿不修。

出漢書。

際會罔治。

出禮記。

揚子法言。孔子去魯不聽正諫。而不用雉噫者。註。雉噫。猶歌歎之聲。梁鴻五噫之類也。按家語。孔子去魯。歌曰。彼婦之口。可以出走。彼婦之謁。可以死敗。此卽雉噫之歌也。唐文。聆鳳衰於接輿。歌雉噫於桓子。駱賓王云。類同心異者。龍蹲歸而采樹伐。質殊聲合者。魚形出而吳石鳴。春秋演孔圖。孔子坐如蹲龍。立如牽牛。

周禮。國都中路曰緯途。思玄賦。有織路。

欒城詩曰。去住由人。真水母。簞瓢粗足似山雌。郭璞江賦曰。水母目蝦。

龍修。龍修草。可爲席。可對雉尾。火炬也。

誠齋讀貞觀政要詩。拔士新豐逆旅中。懷賢鴨綠水波東。酒傾一斗鷲肩客。醋設三杯羊鼻公。羊鼻公。謂

鄭魏公。見新城錄。

自羯胡天亡。羣凶殄滅。而百姓塗炭。企遲拯接。桓溫疏。

苻堅百萬之衆。已瞰吳江。桓溫九五之心。將移晉鼎。衣冠易慮。遠邇崩心。從容而杜奸謀。宴衍而清羣寇。

謝安論。

野處雪詩。天上長留滕六住。人中會有葛三來。葛三。稚川第三子。事見太平廣記。

怨牒可對謗書。孟嘗君事。○謗書。甘茂事。

峨帽縣有不到寺。以險阻得名。可對無定河。

李嶠上高長史書云。曾越巖序。趨下風。希口吻之芳音。候眉宇之陽氣。而堂上百里。譏明無撤器之因。門

下三千。毛遂乏處囊之地。

朱瑒與徐陵求王琳首書曰。伏惟聖恩博厚。明詔爰發。赦王經之哭。許田橫之葬。不使壽春城下。惟傳報

葛之人。滄洲島上。獨有悲田之客。

典術曰。堯時。天降精於庭。爲韭。感百陰爲菖蒲。呂覽。菖蒲亦名堯韭。唐詩。澗有堯時韭。山餘禹日糧。

蘇詩。長風送客添帆腹。積雨浮舟減石鱗。帆以其受風。故曰腹。水流石上如鱗。故曰石鱗。

南唐徐履掌建陽茶局。弟復治海陵鹽政。鹽檢烹煉之亭。榜曰金鹵。履聞之。潔敝焙舍。命曰玉茸。

雁膳菰米也。

出管子。

水魚衣、水苔也。

出廣志。

東坡詩：酒材已遣門生致，菜把仍叨地主恩。註：周禮以式法授酒材。杜詩：清晨蒙菜把，常荷地主恩。

宋文帝受命頌：南通舜梧，北平堯柳。

援朱均以貳極，煽襖閣而偶震。

荀顛荀勗傳論。言其勸立惠帝賈后也。

典憲資其刊輯，帷幄佇其謀猷。

顧榮等傳論。

王荆公以武丘對文鵠，殺青對生白，苦吟對甘飲，飛瓊對弄玉，帶眼對琴心，洪駒父以青奴對黃嬾，茗溪

漁隱以銀鹿對金瓠，溼螢對乾鵲，平園詩：生戎馬對死佛狸，皆絕工。銀鹿，出國史補。金瓠，出曹子建集。溼

螢，出李長吉集。乾鵲，出西京雜記。又有以錦字鏡約對琴心者。

陸龜蒙以二酉對六丁，荆公以三甲對六丁。

輕塵足岳，墜露增流。

出山谷集。

木鐸起而千里應，席珍流而萬世響。寫天地之輝光，曉生民之耳目。

出文心雕龍。

斂退就新儒，趨營悼前猛。

詰屈避語，冥茫觸心兵。

韓退之詩。

通用部二虛字類

郭祖深諫梁武曰。農桑者今日濟育。功德者將來勝囚。豈可墮本勤末。置邇効賒也。

應高說膠西王曰。語有之曰。狝糠及米。註狝卽𪔐字。以舌食也。蓋以犬喻。言𪔐糠遂至食米也。

劉穆之外所聞見。必白武帝。帝每得人閒委密消息。以示聰明。

劉瑀言人仕宦。不出當入。不入當出。安能常居戶限上。

水經註。豫章以木氏郡。柳子厚愚溪詩序。姓是溪曰愚溪。呂太史釣臺記。姓是州曰嚴。

詩。女子善懷。鄭箋善猶多也。漢書岸善崩。註亦多也。

汧滅宗親。以缺一切之功。缺望也。

梁元帝常言。我韜于文士。愧於武夫。

樂天詩云。江州去日聽箏夜。白髮新生不願聞。如今格是頭成雪。彈到天明亦任君。元微之詩云。隔是身

如夢。頻來不爲名。憐君近南住。時得到山行。格與隔二字義同。格是猶言已是也。

至竟。如云到底也。杜牧詩。至竟息亡緣底事。至竟江山誰是主。羅隱詩。至竟朝昏誰主掌。

未渠央。未遽央也。音義與遽同。史記尉佗曰。何渠不若。漢書作何遽。

北齊劉逖詩。無由似玄豹。縱意坐山中。坐字甚奇。張說樹坐參猿嘯。杜甫楓樹坐猿獠。黃鶯並坐交愁濕。

又巫山秋夜螢火飛。簾疎巧入坐人衣。薛能花欄鳥坐低。皆出於逖。

南史。劉德願善御車。嘗立兩柱。使其中劣通車軸。於百步上長驅。從柱間過。又胡藩以刀頭穿岸。劣容腳指徑上劣者。德言纔也。東坡詩多用此。

左傳。林楚怒馬。及衢而騁。莊子。草木怒生。又說大鵬怒而飛。王介甫詩。山木悲鳴水怒流。董卓謂皇甫嵩曰。義真備未乎。備。古服字。

荆公金陵懷古詩。逸樂安知與禍雙。雙字叶得甚奇。史龜策傳。禍與福同。刑與德雙。

林甫久當國。權焮天下。

吉溫訊囚。震以烈威。隨問輒承。無敢遲。

詩云。知而不已。誰昔然矣。釋曰。猶言疇昔也。司馬溫公公主制詞。寵光之盛。誰昔而然。武帝封禪後。下詔曰。遭天地況施。著見景象。屑然如有聞。註。謂聞呼萬歲者三也。

唐太宗決獄。芋然爲徹膳止樂。

抱朴子。以蟻鼻之缺。而捐無價之淳鈞。東坡詩。護此一蟻缺。

鮑永傳。論言之者雖誠。而聞之未譬。註。譬。猶曉也。

丙吉奏記。霍光請立宣帝。曰。願將軍詳大義。參以著龜。豈宜。註。卜其宜與不宜也。

司馬子如曰。子如從夏州策一杖。投相王。王給露車。養犍牛。犢。此外皆人土取得。尉景謂石董桶曰。我止。

人上取爾。割天子調人上取。今俗語猶有之。

待詔寵上言。今雉以博士行禮之日。歷階登堂。萬衆睢睢。驚怪連日。徑歷三公之府。太常宗正。典宗廟骨肉之官。然後入宮其宿。留告曉人。具備深切。雖人道相戒。何以過是。

王大見王恭坐六尸簟。因語恭。卿東來。故應有此物。可以一領及我。韓滉遣使獻羅。每擔夫與白金一版。唐書。賜衣一稱。紙萬番。左傳。祭服五稱。註。單複具曰稱。

酒一器曰一盛。出左傳。

袁安贊曰。袁公竇氏之間。乃情帝室。

傅子曰。太原發冢破棺。得一婦人。與語。生人也。視其冢上樹。可三十歲。不知此婦人三十年常生於地中。耶。將一朝歎生。偶與發冢者會也。

莊子。譬之猶一覩也。與瞥同。過目下。

楊惲傳。古與今。猶一丘之貉也。

第五倫上書曰。以貴戚廢錮。當復以貴戚浣濯之。猶解醒當以酒也。

荆公詩。日高青女尙橫陳。橫陳二字。見宋玉風賦。橫自陳兮君之前。古詩。迴眸百萬橫。自陳。楞嚴經。於橫陳時。味如嚼蠟。

積釐毀玉出太玄。猶言水滴石穿也。

何恢有妓美。阮佃夫求之。不肯。佃夫拂衣出戶曰。惜指失掌耶。

魏徙勅勒於河西。勅勒驚曰。圈吾於河西。欲殺吾也。圈其權切。又其卷切。

爾雅。覲。音陌。蒙。草木蒙茸貌。

杜欽傳。薰轅天下。轅音燎。言權勢灼人也。

劉向傳。水旱餓喙螟螣。蝥午而起。蝥午猶雜沓也。

彌彊。風吹帷帳動貌。見漢書。騷殺。飄揚貌。南都賦。駙承華之蒲梢。飛流蘇之騷殺。

左傳。今執事攔然授兵登陴。將以誰罪。攔。閑上聲。勁忿貌。

無備而官辦者。猶拾藩也。藩。汁也。


余將老。使郤子逞其志。庶有豕乎。豕。解也。

食貨志。以所入貢。但賒之。註。但。空也。言空賒與之。不取息利也。

丙吉傳。西曹地忍之。註。地。第也。

荆公在歐公坐作詩。老蘇得而字。詩曰。談詩究乎而。荆公又作而字。二詩。一曰。采鯨抗波濤。風作鱗之而。

一曰。兀傲何賓客。兩忘我與而。考工記。梓人深其爪。出其目。作其鱗之而。註之而。頰頷也。



王淑士墓誌銘

余爲諸生時與嘉定李流芳長蘅、崑山王志堅淑士交。已而與長蘅同舉於鄉。萬曆庚戌與淑士同舉進士。三人者器資不同。其嗜讀書好禪說。標置於流俗勢利之外。則一也。長蘅沒。余哭而銘之。今又哭吾淑士。而其子又以銘爲屬。嗟乎。余衰遲無用。久居此世。天其憊遺之。以銘吾友乎。其可哀也已。淑士初任戴冠。其字曰弱生。與長蘅同研席。爲詩文。已知法唐宋名家。而深鄙嘉隆之剽賊塗墜者。以爲俗學。窮經辨志。有古先儒者之風。及官南駕部。雅不欲以游閒談讌。把翫日月。而又謂隨俗詩文。徒以勞神誨世。非有志者所爲。乃要諸同舍郎。爲讀史社。九日誦讀。一日講貫。移日分夜。矻矻如諸生時。少閒。借金陵焦氏藏書。繕寫勘讐。盈箱堆几。嘗爲詩懷。長蘅曰。一編餘故箴。字畫麻姑細。彷彿共丹鉛。深夜重門閉。亦自狀其居官況味如此也。通籍二十餘年。服官僅七載。後先家居。薄榮進。寡交游。壹意讀書。而其讀書最爲有法。先經而後史。先史而後子集。其讀經先箋疏而後辨論。讀史先證據而後發明。讀子則謂唐以後無子。當取說家之有裨經史者。以補子之不足。讀集則刪定秦漢以後古文爲五編。尤用意於唐宋諸家碑誌。援據史傳。摭採小說。以參覈其事之同異。文之純駁。蓋淑士深痛嘉隆來俗學之敝。與近代士子苟簡迷謬之習。而又恥於插齒牙。樹壇墀。以明與之爭。務以編摩繩削。爲易世之質的。其自任最重。讀佛書。研相而窮性。闡教而闡宗。手寫華嚴至再。著太上感應篇續傳。以輔翼因果之書。闡以樁柱世之盲禪。而不輕與


之辨駁亦此志也。南駕部秩滿陞僉事。提學貴州。辭疾不赴。用言者薦起浙江。以母憂歸。再起。提學湖廣。卒於官。淑士恂恂。體若不勝衣。居官執法。屹然如山。南駕部典司勘合。不以片紙假人。所至守律令。謝請託。理冤抑。問疾苦。手削爰書。雖老於文法者無以過。其在浙也。議鹽法者。欲行温州票鹽以佐餉。議水利者。欲盡墮諸壩。客艘直達會城。皆名美而實不便。力陳其不可而止。其奉職循理。不欲爲好名生事。皆此類也。督楚學。惇行崇禮。好古教化。楚士聞其公而喜。覩其明而服。習其反覆教誨。出於至誠。莫不洗心回面。誓不忍負。方奉旨紀錄。爲海內學政第一。而竟以勤其官死。嗚呼。其斯以爲文學政事。彬彬文質之君子歟。往長蘅語余。子才高意廣。近於通。淑士小心精潔。近於固。我通不及子。固不及淑士。然居二子之間者必我也。今長蘅之風流儒雅。與淑士之束修好古。皆足以傳於後世。而余獨棲遲連蹇。老而無成。執筆而志其葬。其能無愧色已乎。王氏出琅邪。十六世祖某。爲崑山州學正。始家於崑。曾祖諱三錫。知河南光州。祖重鼎。贈奉直大夫。父諱臨亨。知杭州府。母張氏。生三子。淑士其長也。仲志長。季志慶。皆舉於鄉。以文行有聞。妻朱氏。封安人。子四人。偲。偕。傲。皆有聲膠序。而衍尙幼。一女嫁顧錫眉。淑士卒於崇禎六年八月八日。年五十有八。次年十二月。葬吳縣西山之真珠塢。銘曰。


鄧尉之山。有宅一區。君今葬焉。空山老屋。梅花千樹。礪戶依然。展如之人。焚膏宿火。落月殘編。我懷君詩。南園北郭。竊比前賢。鉤玄提要。著書滿家。朱黃駢闐。以方水心。次則石礪。誰曰不然。過而式者。徵於斯銘。

後千斯年。

表
異
錄
墓誌銘

一五二





比 事 摘 錄

撰 人 不 詳

比事摘錄

本館據今獻彙言
本影印初編各叢
書僅有此本

比事摘錄

天下未嘗有無對之物兩之所化也即人事可以類推夫
事固有曠百世而相感也况人同此心乎予於諸錄中摘
其比事之要者表而出之亦觀感興起之一助也

古人擇居

成王卜居成周其命龜曰余一人無有天下辟

就百姓敢無中土乎使余有罪則四方伐之無難得也周
公卜居曲阜其命龜曰作邑於山之陽賢則茂昌不賢則
速亡季孫行父之戒其子曰曰吾欲室之挾於兩社之間
也使吾後世有不能事上者使其替之益速嗚呼古之聖

賢所以賓其天下國家而公之蓋如此漢婁敬見高帝敬
曰陛下都雒陽豈欲與周室比隆哉周務以德致人不歆
阻險今後世驕奢以虐民也及周衰分而為二天下莫朝
周周不能制非德薄形勢弱也秦被山帶河四塞以為固
此所謂天府陛下入關而都之山東雖亂秦故地可全而
有也時留侯亦言之漢遂都關中漢之取天下與周異漢
不能效周德固然也孫叔敖疾將死戒其子曰我死王封
汝必無受利地楚越之間有寢之丘者此其地不利而名
甚惡可長有者其惟此也孫叔敖死王以美地封其子而
子辭請寢之丘後十世不絕蕭何為相國買田宅必居窮

僻爲家不治垣屋曰令後世賢師吾儉不賢母爲勢家所奪何之意教之意也周公大聖季孫行父孫叔敖皆賢者自教已不能法周公而從事於季孫行父之義他尚何及焉雖然此教之所以爲教也蕭何亦智矣哉世固有擅銅陵藏金穴據壘斷以自利者厚取於人身死而財遷吾知斯人之不爲也

楚軍煖醉楚師伐宋師人多寒楚子拊而勉之三軍之士皆如挾纊楚子不能使人皆挾纊而三軍爲之煖煖其言也楚人有饋簞醪者楚莊王投之於河令將士迎流而飲之三軍皆醉楚莊王不能使河爲醪而三軍爲之醉醉其

賜也然則虛言詭賜亦足以感士也士非虛詭所能感也
楚子無心於此蓋有不費而惠者矣

俱出畢事錄

管仲韓信

韓非子管仲束縛自魯之齊路饑而泣過綺邑

乞食封人跪殮之因竊謂仲曰若用齊將何報我仲曰如
子之言我且賢之用能之使勞之論我何以報子封人怨
之司馬史記韓信始爲布衣從人寄食飲人多厭之者嘗
釣於城下諸母漂有一母見信饑飯信竟漂數十日信喜
謂漂母曰吾必有以重報母母怒由大夫夫不能自食吾
哀王孫而進食豈望報乎信後爲楚王召所從食漂母賜
千金夫施人者不求報當如漂母不當如封人受人施者

不忘報當如韓信不當如管仲仲父之言正矣我何以報
子心無乃失之忍乎淮陰之言陋矣吾必有以重報母情
固有所不容已也

出則餘錄

陰禍陰德漢陳平嘗言我多陰謀道家之所禁吾世即廢
不能復起以吾多陰禍也李廣與望氣王朔語曰吾為隴
西守羌嘗反吾誘降者八百餘人詐而同日殺之今恨獨
此爾朔曰禍莫大於殺已降此乃將軍之所以不得侯者
也後漢虞詡臨終謂其子恭曰吾所悔者為朝歌長時殺
賊數百人其中何能不有寬者自此二十餘年家門不增
一口期獲罪於天也宋王彥超將致政每戒諸子曰吾累

為統帥殺人多矣自身得免為幸必無陰德以及後汝為後善以自庇及卒子孫果無達者史稱彥超自悔多殺垂戒後裔近乎仁人之心矣若漢陳平輩之所言者比之彥超其用心得無亦有類焉者乎而彥超同時若曹彬其人乃真為仁人矣為將亦在人自處何如爾

出終相錄

正誼明道董仲舒曰仁者正其誼不謀其利明其道不計其功諸葛武侯以復漢討賊為任其出師表有鞠躬盡瘁死而後已成敗利鈍非所逆覩之語論者謂武侯不問利害只求義理是其見得真處即聖賢之心也司馬溫公作韓魏公祠堂記載其言曰凡為臣者盡力以事君死生以

之至於成敗天也豈可豫憂其不成遂輟不為哉魏公此
言視武侯心可無愧矣范淳甫每誦董仲舒正誼明道語
以爲君子行已立朝正當如此若夫成功則天也司馬公
改新法或勸防後患公曰天若祚宋必無此事南軒張氏
曰使他人答之必曰苟利社稷遑恤其他只如此言已自
好而公更不論一己利害其平昔所養聖賢不過如此嗟
乎此雖言語文字之間要之所以動天地鬼神者自有在
衛青李廣凡人之名也當務實勝焉不觀之衛青李廣乎
衛青爲大將軍至尊重而天下之賢士大夫無稱焉名之
所稱豈在富貴李將軍廣恂恂如鄙人口不能出辭及死

之日天下知與不知皆為流涕彼其中心誠信於士大夫也亦奚必文章藻飾為哉

無益禱祀

趙飛燕讒班婕妤好好呪詛於成帝婕妤曰鬼神

有知不受邪之訴若其無知訴之何益理明辭辯深足感人范滂擊獄吏俾祭臯陶滂曰臯陶賢者知滂無罪將理之於帝如其無知祭之何益詞語與婕妤類後人達此可以廢無益之禱祀矣俱出極世錄

虞玩卿祭虞玩遷司空玩陳讓不聽既拜歎息謂賓客曰以我為三公是天下無人矣談者稱之唐鄭祭同平章事制下祭曰笑殺天下人既視事謂宗戚曰歇後鄭五作宰

相時事可知矣。纔三月以疾乞骸，得致仕。此不賢於非才而竊位者乎。

石崇曹武 石崇被收歎曰：奴輩利吾家財收者，曰知財致害，何不早散之人，以免其害。春以為散之不如勿聚之為愈也。齊曹武被收歎曰：諸人知我無異意，所以殺我。政欲取吾財貨，妓女耳。武之嘆，即崇之歎也。而又曰：恨令叢輩見之，武何恨於是。夫既自有以致之矣。

陶侃張詠 陶侃為荊州刺史，嘗出遊，見人持一把未熟稻，侃問：用此何為人。云：行道所見，聊取之耳。侃大怒曰：汝既不田而戲賊人，稻執而鞭之。張詠為崇陽令，嘗坐城門下。

見里人有負菜而歸者問何從得之曰買之市詠怒曰汝
居田里不自種而食何惰邪答而遣之此等小事史何足
書然百姓因此知上之教勤於農殖家給人足二公之為
惠則大矣

真率會

今人飲饌務尚豐腆一筵之設水陸畢具賓客尚

口蓋無幾堆盤累碟深杯大瓢祇以厭飫諸僕從耳不知
此何益也宋司馬溫公言其先公為群牧判官時客至未
嘗不置酒或三行或五行不過七行酒沽市果止梨栗棗
柿殺止脯醢菜羹罷用菴漆當時士大夫皆然人不相非
也會數而禮勤物薄而情厚近日士夫家酒非內法果非

遠方珍異食非多品器皿非滿案不敢作會嘗數日營聚
然後敢發書苟或不然人爭非之以爲鄙吝故不隨俗奢
靡者鮮矣風俗頹弊如是居位者忍助之乎公之在洛也
文潞公范忠宣公相約爲真率會脫粟一飯酒數行過從
不聞一日潞公有詩云啜菽盡甘顏子陋食鮮不愧范卽
貧范和之云盍簪旣屢宜從簡爲具雖疎不愧貧公和之
云隨家所有自可樂爲具更微誰笑貧諸公極救弊與儉
之見今人盍少思此事惜福養財日用不細吾故備錄之

以貽諸同志者

俱出圖
滄錄

魚鳥之樂宋建平王宏子景素在蕃甚得人心而謗蔽日

積當廢帝時深懷憂懼嘗與故吏劉璉獨處曲臺有鴉集於承塵上飛鳴相逐景素泫然曰若斯鳥者遊則參乎風煙之上止則隱于林木之下饑則啄渴則飲形體無累於物得失不關於心一何樂哉後景素續謀舉兵竟為臺軍破斬之梁元帝世子方等嘗著論云吾嘗夢為魚因化鳥方其夢也何樂如之及其覺也何憂斯類良由吾之不及魚為遠矣故魚為飛浮任其志性吾之進退恒在掌握舉首懼觸搖足恐墜若使吾得與魚為同遊則去人間如脫

疑爾

出厲
陳錄

醫

北齊李元忠母老多病元忠專心醫道研習積年遂

善此技族第亦因母病醫爲治療不愈遂自精究針藥母病乃除隋許道幼亦因其母疾患備覽經方得以究極世號名醫誠諸子曰人子當視膳藥不知方術豈爲孝乎由是世相傳授唐王勃嘗謂人子可不知醫時長安曹元有秘術勃從之遊盡得其要勃之所見寔同道幼唐有王壽亦因母病學醫因以所學作書行世宋高若訥亦因母病遂兼通醫書雖國醫皆屈伏張仲景傷寒論訣孫思邈方書及外臺秘要久不傳悉考校訛謬行之世始知有是名醫多出衛州皆本高氏學焉此以醫爲孝者也宋李虛已母喪明虛已旦日舐睛不懈二年母目復明李行簡父患

癰極痛行簡吮其敗膏不嚙于地疾尋平此又以孝為醫

者也

出則如錄

狄柳友誼

狄仁傑為并州法曹時同僚鄭崇質嘗使絕域

崇質母老且病仁傑曰彼母如此豈可使之有萬里之憂
詣長史蘭仁基請代之行仁基允其代行仁基素與司馬
李孝廉不叶因相謂曰吾輩豈可不自愧乎遂相與輯睦
夫善之感人有如此者棟宗元初遷桺州刺史其友劉禹
錫得播州宗元曰播非人所居而夢得親在萬無母子俱
往理欲請于朝願以桺易播會裴度亦為禹錫言得改連
州韓退之作子厚墓誌實載其事以為世勸夫即一善而

而稱之宗元可追蹤於仁傑矣

蕭王去位蕭嵩爲相韓休不協因乞骸骨玄宗曰朕未厭卿卿何庸去嵩俯伏曰臣爵位已極幸陛下未厭臣得以乞身如陛下厭臣臣首領不保又安得自遂乎退齋筆錄元豐中王荆公乞罷機政神宗未許其去公喚老僧化成爲作一課更歆者命化成曰三十年前與公看命公致仕宰相復何問公曰但力求去上未許只看旦夕便去得否化成曰相公得意濃時正好休要去在相公不在上不疑何卜公悵然歎服去意遂決大臣去位如蕭嵩之見僧化成之所爲告者可以免後時之殆矣

裴王佳賜 憲宗賜裴晉公玉帶公臨終封進表內府之珍

先朝所賜既不敢將歸地下又不合留在人間識者賞其明

而簡王文正公疾革上臨視賜白金五十兩召楊文公於

床前作讓表公覽乃自書四句已懼多藏况無用處見謀

散施以息災殃是冬公薨文公歎曰精爽不亂如此前代

之風後世之法也

俱出室病錄

杜黃自反 杜和公語錄云公為相會于家惟一麪一飯而

已或美其儉公曰衍本一措大爾名位服用皆國家者俸

入之餘以給親族之貧者常恐浮食焉敢以自奉也一旦

名位爵祿國家本之却為一措大又將何以自奉養和黃

庭堅文集云余謫處宜州半載官司謂余不當居關城中
乃抱被入宿于城南余所僦舍雖上兩旁風無有蓋障市
聲喧聒人不堪其憂余以爲家本農桑使不從進士則田
中廬舍如是又可不堪其憂邪然則士當富貴之時丁患
難之際恒思自反此生有定分焉可也

出終
阜錄

韓魏存心之異

韓魏公中進士第二人監左藏庫時方貴

高科多徑去為顯秩公獨滯於筦庫衆以為非宜公處之
自若於職事未嘗苟且及為開封推官理事不倦暑月汗
流浹背府尹王傳文大重之曰此人要路在前而治民如
此真宰相錢明逸在禁林不滿意出為秦州居常快快不

事事公聞之語人曰已雖不足獨不思所部十萬生靈邪
噫公之所存自其監庫時已有以異於錢明逸輩之存心
者矣

規程不避好名

宋魏掞之與人交嘉其善而救其失後進

以禮來者苟有寸長必汲汲推挽成就之至或訾其好名
則蹙然曰使夫人而避此嫌為善之路絕矣元程思廉與
人交有終始或有疾病死喪問遺賙恤往返數百里不憚
勞仍為之經紀家事撫視其子孫其家族尤盡恩意好薦
達人物或者以為好名思廉曰若避好名之譏人不復敢

為善矣

俱出畢
相錄

論人不專貴有才朱熹為江西提刑入奏事論內侍甘昇甚力孝宗曰昇為德壽所薦為其有才爾熹曰小人無才安能動人主兵部尚書羅點嘗與人論士或問天下事非才不辦點曰當先論心苟不正才雖過人果何取哉葉夢得除起居郎時用事者蓋小有才夢得言自古用人必先辯賢能賢者有德之稱先王嘗使德勝才不使才勝德崇寧以來在內惟取議論與朝廷同者為純正在外惟取推行法令速成者為幹敏未聞罷業任重識度經遠者特有表異恐用才太勝願繼今用人以有德為先張恕理宗時因論對引其伯父栻告孝宗之語曰當求曉事之臣不求

辦事之臣欲求伏節死義之臣必求犯顏敢諫之臣用人

之道蓋不貴於專有才者如此

出脩玄錄

翟真年壽

至元丙子淮南閫帥真貴歸附元授中書左丞

至己酉歲死有人贈以詩云自古誰無死惜公遲四年問公今日死何似四年前又有人吊其墓云享年八十三而不七十九嗚呼真相公萬代名不朽昔宋楮淵身事二姓第炤歎曰使淵作中書而死也當是一名士今德不昌令

有期願之壽哀哉

出三朝國史錄

伊川康節遺容

伊川自涪陵舟行遇風舟人皆懼惟伊川

不動既至岍或問其故伊川曰在心誠敬耳或曰心存誠

敬曷若無心伊川欲與之言其人遂去伊川臨終時或曰
平生學底正要今日用伊川開目曰說要用便不是朱子
門人問此是如何曰說要用便是兩心所謂心存誠敬曷
若無心卽所謂說要用便不是意也昔康節臨終時伊川
來視謂曰先生至此他人無以爲力頊自主張先生曰平
生學道豈不知此然亦無可主張及後劉清之病革周子
來視謂曰子澄其澄慮清之氣息已微云無慮可澄遂卒
子澄之自謂無慮可澄其亦無可主張之意歟

橫渠荆公勤學

朱子嘗言張橫渠源人夜間自不合睡只爲
人皆睡無可應接不得不睡他做正蒙時或夜裏默坐徹

曉直恁地勇方做得又言橫渠作正蒙時中夜有得亦須
起寫了方睡不然放不下無安着處他日又言王荆公作
字說時只在禪寺中禪床前置筆硯掩一龕燈人有書翰
來者折封皮埋放一邊就倒禪床睡少時又忽起來寫一
兩字看來都不眠者先正辛苦工夫如此自令觀之橫渠
勤得有益荆公勤得全不濟事今之人窮年屹屹在鉛槧
間求不為字說之徒者少矣嗟夫孔子好古敏求曾子任
重道遠豈欺我哉正須知勇雙全認得做好俱出室
陳錄

學者自信庖丁解牛目無全牛伯樂相馬所見無非馬者

紀昌視蝨大如車輪射之貫心而懸不絕皆心之所寄也

朱子嘗言劉晏見錢流地上是其會計之熟所致而自謂
看得聖人言語熟透直見聖人之心從面前提過學者未到
此安能以自信邪

顛倒見人不勝實事可笑竅其中而美其外豈非顛倒見
乎謝上蔡有言今人做事只管要誇耀別人耳目渾不關
自家受用處譬如人食前方丈便向人前喫蔬食菜羹却
去屋裏喫也試一回思何故如此曾紀梵志有翻著襪詩
云梵志翻著襪人皆道是錯乍可刺你眼不可隱我脚彼
夸毗子宜少悟矣俱出塞
如錄

張王休語太原助教張世寧既卒神降其妹歌曰休休休

偷得休時便好休歡喜冤家無徹頭洛人王或棄官學佛
有詩云親疎俱穩人偷了婚嫁齊成俗意周一筆盡鈞塵
債斷都無虧欠大家休休休愛著何時是徹頭彼若有
見於出世法耶

我詩 梵志詩天公未生我冥冥無所知天公忽生我生我
復何爲無衣遣我寒無食令我饑還爾天公我還我未生
時此豈所謂齊生死者邁記役卒之言六十年前無我六
十年後無我生我百年中百年不可過風寒暑濕殃饑飽
勞逸禍我今解去人始知我與梵詩正同

俱出終
寢錄

徐仲車與孟同意 孟子言民之於仁也甚於水火水火有

蹈而死者矣未有蹈仁而死者也然則人何苦而不為仁
徐仲車訓諸生曰諸君欲為君子不勞已之力費已之財
何不為君子鄉人賤之父母惡之如此而不為可也鄉人
榮之父母欲之何不為君子其言足以發愚孟子語曹交
子服堯之服誦堯之言行堯之行則亦堯而已矣仲車訓
諸生曰言其所善行其所善思其所善如此而不為君子
未之有也言其所不善行其所不善思其所不善如此而不為小
人未之有也其言同意

容人負人 夫夫處世行已不可不宏常令我容人勿令人
容我寧令人負我勿令我負人曹操有寧負人之言此姦

賊之所以逭誅也陳述古有嘗容人之言此先正之所以

立訓也

俱出極
余錄

心神通遇

管子書思之思之又重思之思之而不通鬼神

將通之非鬼神之力也精神之極也呂氏春秋孔丘墨翟
晝日諷誦習業夜親見文王周公旦而問焉用志如此其
精也何事而不達何為而不成故曰精而熟之鬼將告之
也魏伯陽參同契千周漿彬彬芳邁遍將可觀神明或告
人兮心靈忽自悟讀書求道如此寧有弗得者乎唐國史
補云趙壁彈五絃人問其術壁曰吾之於五絃也始則心
驅之中則神遇之終則天隨之吾方浩然眼如耳耳如鼻

不知五絃之爲壁壁之爲五絃也莊子曰用志不分乃疑

於神此之謂歟

出脩
相錄

財利禍患梁蕭允曰禍之所來皆生於利苟不求利禍從

何生顧希武曰積財可以備患患以生於多財與其因患而積財孰若無財而無患皆名也

窮苦二說懷麓堂窮說云按說文窮之爲義亦多矣爲極

爲竟爲究爲塞今姑就其所謂塞者言之對富而言則爲民之窮孟子曰鰥寡孤獨皆天下之窮民而無告者也對達而言則爲士之窮孟子曰窮則獨善其身傳曰士窮乃見節義民之窮者必有待於上之人書曰子惠困窮者也

若士之窮則自守而不外慕論語所云君子固窮者孔子之言也彼莊子乃謂孔子曰吾諱窮久矣是豈知聖人者哉韓退之作送窮文稱智窮學窮命窮文窮交窮者而卒歸于正若虞卿著窮愁之書段成式為留窮之詞唐子西亦有留窮之詩皆士之流窮而不厭者也說者又謂孔孟窮而在下則明道於後世周公達而在上則行道於當時故素貧賤則行乎貧賤素富貴則行乎富貴君子之達者豈必窮之為尚哉惟不忘记心思以揀民之窮振士之窮而已若說云苦之為義為困悴為勤勞為辛楚為陵侮今姑就勤與困言之天下之味有五而苦居其一酸醎之類各

--	--	--	--	--	--	--	--	--	--

無以報子平生有一術遊遠方未嘗窮乏術之力也今以遺子因授藥一囊方書一小冊文正不得已留之未嘗取視後二十年得其子還之封識宛然此事當時記者非一文正之賢固非求德之所能及也

出空
率錄

脩德保家

李德裕平泉山居戒子孫云吾百年之後為權

勢所奪則以先人所命泣而告之此吾志也後經世變遺胤

竟不能守花卉蕪絕恠石名品俱為洛城有力取去記所

云者祇足貽達人笑耳昔晉桓玄欲以謝安宅為營其孫

謝琨曰召伯之仁猶惠及甘棠文靖之德更不保五畝宅

邪玄慙而止唐嗣曹王臯將市取張柬之襄陽園圃馬彘

諫曰漢陽有中興功今遺業當百世共保奈何使子孫鬻
乎臯之後石家金谷園其身不能守馬家玉杯地不復留
身後今日諸如此者又何道焉魏謩第太宗用殿材成其
正寢其後嗣不能守白居易以為言朝廷贖而賜之宋邵
康節天津之居本官也熙寧初法當斤賣榜三月人不忍
買司馬溫公諸人為集錢買之然則身苟富德不必潤屋
為子孫計也

此極
如錄

人物同愚

山鷄自愛其毛終日影水目眩則溺人亦有溺

於自愛芙蓉山有異鳥其名曰鷄愛形顧影不自藏為羅
者所得士之雁於世網皆由其不肯自藏故爾夜蛾撲統

燈驅去復來弗至焦爛弗止利祿聲色之在人徃徃其
心而死之何以異於是哉

物不同用物有效吾所用而不能無弊者病齒之人服苦
參齒愈矣而腰重不舉世不有類是者邪藍蛇有毒尾却
解毒當歸生血鬚却破血麻黃發汗根節復止汗酸棗醒
睡仁復令人貪睡螻蛄腰以前治大小便之過滑者腰以
後治閉結者一物也爲用不同如此又蓋以浸魚肉則能
經久不敗以沾布帛則易朽爛一物也所施處各有所宜
惟醫亦然阿魏性極臭用以入食餌乃能去臭葫蘆極葷
然置臭肉中能掩臭氣葷臭非所常疑也君子醫國有與

廢除害之責人才繫其用舍可不審其所處者哉

出極
塗錄

孝悲

尸子云曾子每讀喪禮泣下沾襟史記蒯徹讀樂毅

傳輒流涕漢書楊雄悲屈原不容於世作離騷讀其文未
嘗不流涕晉王褒傳褒讀詩至哀哀父母生我劬勞未嘗
不三復流涕門人爲廢蓼莪之篇史系記孟元方誦詩至
蓼莪篇必哀咽不已南齊書載顧歡事亦然梁書武帝每
論孝子傳不終軸而悲慟北齊趙邵王子叡四歲喪父初
讀孝經至資於事父輒流涕歔歔又楊歆其舅子問歆讀
詩至渭陽未耶歆便號泣舅子亦對之歔歔情感所至不

能自已如此

出畢
取錄

山水遠大山之恃土石草木以崇其勢塊而視之歌斜破
碎叢雜蕪穢不可勝指也其在百十里外朝煙暮靄紫翠
如滴橫如蛾眉矗比螺髻山其不以遠為美乎江河之流
溝渠泡沫潢潦汙濁以益其委勺而計臆腐垢澆汙敗便
惡溢濫灌注不可勝道也其在千萬頃間涵天浴日上下
同澈圓光藏珠方景凝壁水其不以大為潔乎嗚呼美以
遠著潔以大致弗崇弗益則以弗能至矣君子觀此致身
之地弗遠大焉可乎

文公茶論朱文公因啜茶而論九物食之甘者過後必酸
苦者必甘茶本苦而能甘是理存焉始於憂患者終於逸


樂禮而後和禮本天下之至嚴行之各得其分則至和苦而甘之類也易家人嗃嗃悔厲吉苦而甘也婦子嘻嘻終吝其而酸也他日論建茶曰伯夷叔齊先正於一啜間取譬如此人莫不飲食也鮮能知味也學者而可但為飲食之人乎

出稿如錄

楊夏遇異人唐楊收少年廬山脩業時遇一道者謂曰子若學道即有仙分若必仕宦位至公相然終焉有禍能從我學道乎收心在進取謝絕之及登廊廟竟惟南荒之殛夫南荒之殛自其罪之所致也宋夏竦父爲侍禁時竦尚幼有道士愛之乞爲養子父止竦一子弗許道士曰是兒

有仙骨不爾位極人臣但可惜墮落了後竦通判又見昔
道士曰尚可作地仙在成都復見道士跨驢於市搖手曰
無及矣遂不復見考竦行事墮落固所不免然則揚與夏
雖有異人之遇亦何救其平生哉

比事摘錄終



廣 事 同 纂

沈 廷 廷 文 述

廣事同纂

本館據學海類編
本排印初編各叢
書僅有此本

廣事同纂

清 櫛李沈廷文元衡述

王元美事同纂一篇。自言隨所記憶。尚多遺漏。予于史書中。間有所得。遂依其文義而廣之。

聖主時投水。人知有卞隨務光。而不知有北宮無擇。騎青牛。人知有老子。而不知有封達生。空桑。人知有伊尹。而不知有孔子。見春秋孔演圖。白魚入舟。人知有周武王。而不知有宋明帝。河澌冰合。人知有漢光武之滹沱。而不知有慕容德之黎陽。鳳雛號。人知有龐統。而不知有顧邵。獻胙加毒。以讒賜死。人知有晉獻公。子申生。而不知有秦孝文王子。西蜀侯惲。思妾令方士致魂。人知漢武之於李夫人。而不知宋武之於殷淑儀。治阿譽聞而阿不治。人知有齊宣王之大夫。而不知景公之晏子。夢寐求相。人知高宗之傅說。而不知文王之臧丈人。題壁作龍蛇歌。人知有晉文之介子推。而不知晉文之舟之僑。既許楚地而背之。人知張儀之於楚懷王。而不知馮之於楚王。先食不死之藥。而巧言以免死。人知方朔之於漢武帝。而不知中射之士之於楚王。一字直百金。人知淮南子。而不知公孫子。丞相。妻棄夫者。人知朱買臣。而不知太公望。沈江負父屍。人知有孝女曹娥。而不知趙社女絡。掘地得石槨。人知有滕公。而不知有衛靈飛廉。看竹不問主人。知有王徽之。而不知有袁粲。倚柱讀書。雷震不輟。人知有夏侯元。而不知有諸葛誕。獲偷侍兒。人試文不殺。因以賜之。人知有楊素之於李伯藥。而不知有蔡興宗之於孫敬玉。侍婢環執飲饌。人知有王

武子而不知有楊國忠孫晟。國忠、晟人俱號肉臺盤。羊羹不徧致敗。人知華元之於御斟而不知中山王之於司馬子期。乳生潼人知有元德秀而不知有李善。綵衣娛戲人知有老萊而不知有伯瑜。知囊人知有晁錯而不知有樗里子魯匡。讀易至損益而嘆人知有向平而不知有孔子佩六印。人知有蘇秦而不知有樂大以石爲虎射之沒羽。人知有李廣李遠而不知有熊渠子。又王充論衡乃云是養由基充以由基射晉侯中目而不能殺之爲辨極可笑。射楚王中目者呂錡。由基以一矢射錡伏而死也。逐兔墮馬折肋而殂。人知齊主高演而不知燕主慕容皝。倒用印人知有段秀實之阻朱泚而不知有李崧之安蜀。一日殺二義士。人知有袁紹之於臧洪陳容而不知有張敬兒之於邊榮程邕之能使人主前席。人知有賈誼而不知有商鞅蘇綽。飲千日酒至期發冢而醒。人知有劉元石而不知趙英。御屏隔座。人知有漢鄭宏第五倫而不知有吳紀亮紀騫。杯中蛇影。人知有樂廣而不知有南皮令應柳。樂弓廳殺孝婦大旱三年。人知有前漢之東海而不知有後漢之上虞。萬石君。人知有石奮而不知有秦襲張文瓚。留犢事。人知有時苗而不知有羊扁。食脫粟。人知有公孫宏而不知有晏嬰。錢神論。人知有魯褒而不知有胡母民。成公綏記半面。人知有楊愔而不知有應鳳。陳蕃下榻。人知有徐禰而不知有周球。雪中高臥。人知有袁安而不知有胡定。夢贈筆。人知有江淹而不知有王彪之。王珣。紀少瑜。陸倕。李白。和凝。馬裔孫。見事稍喫酒救火。人知有樂巴而不知有樊英。邵信臣。郭憲。佛圖澄。成武丁。入水戮蛟。人知有周處而不知有澹臺子羽。荆飲飛。菑邱訢。羊車游後宮。鹽水灑地。人知有晉武而不知有宋文。御膳中有髮。自疏三罪以免死。人知

晉平公之庖人。而不知光武之。正。因病嘗糞。人知越王句踐之於吳王夫差。而不知郭宏霸之於魏元忠。以酒賜妒婦。飲之無恙。人知太宗之於房元齡。而不知莊宗之於任圜。卽席盡器飲酒。歸而尙醒。稱所得器。人知裴宏泰之於裴鈞。而不知潘胤之於朱梁太祖。下第獻燕詩。座主以明年登第。人知有章孝標。而不知有于化成。刻石高山深谷。人知有杜預。而不知有顏真卿。賜行酒炙。人知有顧榮。而不知有何遜。陰鏢。一箭落雙鷗。人知有斛律光。而不知有拓拔幹。高駢。錦纜事。人知有隋煬。而不知有甘寧。然脂膏爲燭。人知有董卓。而不知有滿奮。還帶陰德至相位。人知有裴中令。而不知有白中令。少孤門生廢蓼莪。人知有王裒。而不知有顧歡。發冢類遠祖貌。人知有蕭穎士之於鄱陽王。而不知有吳綱之於長沙王。入山妻二仙女。久而歸。人知有天台之劉晨阮肇。而不知剡縣之袁柏郎顧因。食辨勞薪。人知有荀勗。而不知有師曠。強索妾。人知有孫秀武承嗣。而不知有阮佃夫。聞鼓角聲加敬。人知有范雲之於梁武。而不知有到仲舉之於陳武。告靈不仕。人知有王羲之。而不知有何偃。通它心觀。人知有忠國。之於大耳三藏。而不知有普寂之於柳中庸。祭養。書刀在廟。鯉魚爲送。人知有馬當山之王昌齡。而不知有宮亭湖之估客。弈棋覆局。人知有王粲。而不知有到溉。製千字文。人知有周興嗣。而不知有蕭子範。贈柳妾。人知有韓翃。而不知有李還古。卽位御牀陷地。人知有桓元。而不知有侯景。誤食澡豆。人知有王敦。而不知有陸暢。殞逆旅書生。人知有王恠。而不知有鮑子都。廖有方。橋神貌醜。以足潛畫之。人知有定州之張平子。而不知有忖畱神之魯般。駱駝負水。養魚軍中。人知有宋孫仁祐。而不知有隋虞孝仁。殺負心僕。人知有張

廣事同纂

詠、而不知有柳開、金蓮歸院、人知有蘇軾、而不知有王珪。